

四庫全書

史部

# 欽定四庫全書

史部

欽定續通志卷二百四十六

三至

中書<sub>臣</sub>李采覆勘

總校官原任侍講臣王燕緒

欽定四庫全書

欽定續通志卷二百四十三

列傳

唐

四十五

崔光遠

來瑱

田神功

侯希逸

鄧景山

崔璿

魏少游

衛伯玉

崔寧

李澄

韓全義

嚴礪

盧從史

高霞寓

崔光遠系出博陵後徙靈昌祖敬嗣為房州刺史中宗在房州敬嗣盡誠推奉儲給豐衍帝德之及反正有與

敬嗣同姓名者

舊書云有藍州長史崔敬嗣同姓名

每擬官帝輒超拜後

召見悟非是訪真敬嗣已死即授其子汪五品官汪生

光遠勇決任氣開元末為唐安令與楊國忠善累遷京

兆少尹為吐蕃弔祭使還會玄宗西狩詔留光遠為京

兆尹西京留守採訪使乘輿已出都人亂火左藏大盈

庫爭輦財珍至乘驢入宮殿者光遠乃募官攝府縣誰  
何宮闕斬十數人乃定因使其子東見祿山而祿山先  
署張休為京兆尹由是追休授光遠故官俄而同羅背  
賊以廢馬二千出奔賊將孫孝哲安神威招之不得神  
威憂死官吏驚走獄囚皆逸光遠以為賊且走命人守  
神威孝哲等第斬曳落河二人孝哲馳白祿山光遠懼  
與長安令蘇震出開遠門使人奔呼曰尹巡門門兵具  
器仗迎謁至皆斬之募得百餘人遂趨靈武肅宗嘉之

擢拜御史大夫復為京兆尹遣到渭北募僑民會賊黨  
剽涇陽休祠房椎牛呼飲光遠刺知之率兵夜趨其所  
使百騎縶滿狙其前命驍士合譟賊醉不能師斬其徒  
二千得馬千噉俘一酋長以獻自是賊常避其鋒扈帝  
還改禮部尚書鄴國公封實戶三百乾元元年繇汴州  
刺史代蕭華為魏州節度使初郭子儀與賊戰汲郡光  
遠裁率汴師千人援之不甚力及守魏使將軍李處崙  
拒賊子儀不救戰不勝奔還賊因傳城下詭呼曰處崙

召我而不出何也光遠信之斬處峯處峯善戰衆倚以  
為重及死人益危魏城經袁知泰能元浩等完築牢甚  
光遠不能守夜潰圍出奔京師帝赦其罪拜太子少保  
會襄州將康楚元張嘉延反陷荆襄諸州因拜持節荆  
襄招討充山南東道兵馬都使又徙鳳翔尹先是岐隴  
賊郭愔等掠州縣光遠至遣官喻降之既而沈飲不親  
事愔等陰約党項及奴刺突厥敗韋倫於秦隴殺監軍  
使帝怒光遠無狀召還復使節度劔南會段子璋反東

川李奐敗走成都光遠進討平之然不能禁士卒剽掠  
士女至斷腕取金者夷殺數千人帝詔監軍按其罪以  
憂卒

來瑱邠州永壽人父曜奮起行間開元末為鴻臚卿持  
節磧西副大使四鎮節度使著名西邊終右領軍大將  
軍瑱少尚名節慷慨有大志頗涉書傳天寶初從父四  
鎮任劇職累遷殿中侍御史為伊西北庭行軍司馬拾  
遺張鎬薦以能斷大事有禦侮才擢潁川太守充招討



使會母喪免以孝聞安祿山反張垧薦起復拜汝南太守未行改潁川賊攻之城積粟素多瑱完堙自如與賊戰城下手射皆應弦仆賊使降將畢思琛來招思琛父故將也拜城下泣且弔瑱不應前後俘殺甚衆賊懼目為來嚼鐵以功就加防禦使河南淮南游奕逐要招討使賊圍南陽急瑱與魏仲犀合兵救之不勝人情恟懼瑱撫綏訓練賊不得侵改淮南西道節度使兩京平加開府儀同三司封潁國公食二百戶相州兵敗轉陝

號節度兼潼關防禦團練鎮守使乾元三年襄州部將張維瑾等殺其使史翽徙瑱山南東道襄鄧均房金商

隨鄆復十州節度使

按方鎮表至德二載廢南陽節度使升襄陽防禦使為山南東道節

度使領襄鄧隨唐安均房金商九州無鄆復二州此云襄鄧均房金商隨鄆復止九州而新舊書傳下文皆稱

十州疑有關誤今考通鑑寶應元年割商金均房別置

觀察使令瑱止領六州與本傳改瑱為山南東道襄鄧

唐復隨鄆六州節度文合則所云十州內應脫一唐字

無疑然安州不見本傳而鄆復二州又與方鎮表所載

互異姑仍其舊以誌闕疑既至維瑾降上元二年春破史思明餘黨

於魯山俘賊渠又戰汝州獲馬牛橐駝凡兩戰斬首萬

級明年詔瑱還瑱安襄漢將士亦宜其政因諷衆留已  
而身赴詔命至鄧復詔歸鎮肅宗聞其謀惡之呂諲王  
仲昇等皆言瑱得士心不可以留乃改襄鄧唐復隨郢  
六州節度俄而王仲昇與賊戰申州為賊擒瑱顧望不  
即救司馬裴莪者始以蔭為京兆司錄參軍瑱遇之厚  
及瑱私漢上欲奪其位表稱瑱善謀而勇恐後難制宜  
早圖之帝乃陰奪其權外示寵榮令節度淮西申安蘄  
黃光沔兼河南陳豫許鄭汴曹宋潁泗十五州加莪襄

鄧等七州防禦使代瑱瑱懼表言淮西無糧須麥叔始可上道又諷衆固留代宗立復授襄州節度奉義軍渭北兵馬等使密詔莪圖之莪自均州浮漢而下督軍五千陳穀水北瑱以兵逆之大呼曰吾奉詔留鎮此州爾何名而來且示以詔書莪軍皆曰僞也爭射之瑱走旗下副使薛南陽引奇兵三百出其背與瑱夾擊殺獲幾盡莪脫身走至申口擒之併妻子械送京師詔流費州賜死瑱因入朝謝罪帝待之無疑拜兵部尚書同中書

門下平章事充山陵使時程元振用事疾瑱乃告與巫  
祝言不順會王仲昇歸證瑱與賊合致已久陷帝積怒  
下詔削除官爵貶播州尉員外置及鄆賜死

通鑑作流  
播州賜死

籍其家瑱之死掩尸於坎校書郎殷亮為備棺衾以葬  
帝徐悟以他事罪元振流漆州而以梁崇義為節度使  
代瑱為瑱立祠四時致饗避瑱廳事不處哀祈禮葬詔  
可廣德元年追復官爵

田神功冀州南宮人天寶末為縣史陷賊會河朔兵興

賊署為平盧兵馬使率衆歸朝從李忠臣收滄德攻相州拒杏園後守陳留戰不勝與許叔冀復降史思明思明使與南德信劉從諫畧江淮遂襲德信斬之從諫脫身走并將其兵來歸詔拜鴻臚卿戰於鄭州破賊四千

生擒其將四人牛馬器械不可勝計

按通鑑上元元年神功破史思明之

兵于鄭州新書不錄今依舊唐書輯入

俄襲敬釭鄆州不克劉展反鄧景

山引以助討入揚州大掠居人商賈貨貨兼發冢墓死

者數千人既而擒展送京師

按通鑑上元二年賈隱射展中目而仆遂斬之本劉

展亂紀新舊書暨實錄俱云生擒今從之

遷兗鄆節度使

新書遷淄青節度使更徙兗鄆按新

書方鎮表上元二年置淄沂節度使侯希逸引兵保青州授青密節度使遂廢淄沂節度併所管五州號淄青平盧節度據此神功不當先領此職故不從

時賊圍宋州急李光弼奏神功

往救賊解去又破法子營復攻敬釭降之朝義聞乃奔

下博進封信都郡王徙河南節度汴宋八州觀察使大

厯二年來朝加檢校右僕射又判左僕射知省事加太

子太師還鎮神功事母孝始嘗驕倨自如見光弼待官

屬鈞禮乃折節謙損既寢疾宋之將吏為禳祈報恩八

年自力入朝卒代宗為撤樂贈司徒詔其弟曹州刺史神玉知汴宋留後賻絹千匹布五百端特許百官弔喪賜屏風茵褥於靈座至德後節度使不兼宰相者唯神功恩禮最篤神玉終汴宋節度留後

侯希逸平盧人身長七尺豐下銳上少習武藝天寶末為本軍裨將守保定城祿山反署親將徐歸道為平盧節度使遣中人韓朝敬詔降希逸斬以徇與安東都護王玄志合兵襲殺歸道遣使上聞詔拜玄志平盧節度



使乾元初玄志卒敕使往撫將士且就察軍中所欲立者副將李懷玉姑即希逸母因共殺玄志子推立希逸為留後朝廷因授希逸節度使

節度使由軍中廢立自此始

以近賊

數為所迫率勵將士累破逆徒向潤客李懷仙等然孤軍無援又為奚侵掠乃拔其軍二萬浮海入青州據之平盧遂陷肅宗因以希逸為平盧淄青節度使自是淄青常以平盧冠使在鎮甚著聲稱理兵務農遠近美之寶應初與諸軍討平史朝義加檢校工部尚書賜實封

圖形凌煙閣大厯末進封淮陽郡王後漸怠肆好田獵  
尤崇釋教興工創寺軍州苦之永泰初懷玉因衆怨適  
希逸與巫者夜宿城外閉關不納遂奔滑州召還檢校  
尚書右僕射知省事遷司空未及拜卒年六十二贈太  
保

鄧景山曹州人本以文吏進累至監察御史至德初擢  
拜青齊節度使徙淮南為政簡肅有鬻集城門鄧班語  
景山曰鬻介物也失所次金不從草之象其有兵乎未

幾宋州刺史劉展反初展有異志淮西節度使王仲昇表其狀詔遷揚州長史兼江淮都統密詔景山執送京師展知之擁兵二萬度淮景山逆擊不勝奔壽州因引平盧節度副使田神功討展神功兵至揚州大掠居人發冢墓大食波斯賈胡死者數千人展叛凡三月平追景山入朝拜尚書左丞以崔圓代之王思禮在太原儲賡羸衍請輸半以實京師會卒管崇嗣代之政弛不治數月為下盜費畧盡帝聞即以景山為太原尹封南陽

郡公至則振覈紀綱檢覆侵隱衆大懼而景山清約子弟饌不過草具待上賓惟豚魚而已取倉粟紅腐者食之兼給麾下麾下怨訕左右白景山景山慢罵士皆羞忿有裨校抵死諸將請贖不許其弟請代不許請納一馬贖景山乃許減死衆怒曰吾屬命纔一馬直乎景山叱遣之少將黃杞節因衆怒作亂景山遇害時寶應元年也肅宗以其統馭失方不復究驗遣使喻撫其軍軍中請辛雲京為節度詔可景山與劉晏善其後家寒窶

晏屢經紀之嫁其孤女諡曰敬

崔瓘博陵人以士行修謹聞累官至澧州刺史不為煩苛人便安之流亡還歸居二年增戶數萬詔特進五階以寵異政大厯中遷湖南觀察使時將吏習寬弛不奉法瓘稍以禮法繩裁之下多怨別將臧玠判官達奚覲忿爭玠夜以兵殺覲瓘聞難惶懼走遇害帝悼惜之

魏少游邢州鉅鹿人以吏幹稱天寶末累遷朔方水陸轉運副使肅宗幸靈武杜鴻漸等奉迎而留少游繕治

宮室少游大為殿宇幄帟皆象宮闕諸王公主悉有次舍供餼窮水陸又有千餘騎鎧幟光鮮振旅以入帝見宮殿不悅曰我至此欲就大事安用是為稍命去之除左司郎中兩京平封鉅鹿縣侯遷陝州刺史王師潰於鄴河洛震駭少游鎮守自若擢京兆尹李輔國以其不附已改衛尉卿會率羣臣馬助軍少游與漢中王瑀持異帝怒貶渠州長史復為京兆尹始請中書門下省五品尚書省四品諸司正員三品諸王駙馬碁以上親及

壻若甥不得任京兆官詔可大厯二年為江西觀察使

進刑部尚書改封趙國公六年卒贈太子太師

舊書脫太子二

字

少游四為京兆雖無赫赫名然善任人緣飾規檢有

足稱者

衛伯玉史失其所人少習武技天寶中從安西府積

勞至員外諸衛將軍肅宗即位慨然願立功乃歸長安

領神策兵馬使出鎮陝州行營乾元二年賊將李歸仁

以騎五千入寇伯玉與戰彊子坂破之獲馬六百匹遷

羽林大將軍徙四鎮北庭行營節度使俄為神策軍節度使思明遣子朝義夜襲陝將動京師伯玉迎擊破之於永寧加特進封河東郡公廣德元年代宗幸陝以伯玉有幹畧可方面大事乃拜荆南節度使進封城陽郡王大厯初以母憂當代諷將吏留已復詔節度荆南議者醜之十一年歸京師卒

崔寧本貝州安平人後徙衛州世儒家而獨喜縱橫事客遊劍南以步卒事鮮于仲通又從李宓討雲南無功



還成都行軍司馬崔論悅之薦為牙將歷事崔圓裴冕  
冕被謗朝廷遣使者問狀寧部兵截耳白其寃使者以  
聞寧亦召留京師為折衝郎將寶應初蜀亂山賊乘險  
道不通嚴武白寧為利州刺史既至賊遁去由是知名  
及武為劔南節度使過州心欲與俱西而利非所屬賂  
張獻誠以求寧獻誠使移疾自解武遂奏為漢州刺史  
會吐蕃引雜羌寇西山破柘靜等州武遣寧將而西既  
薄賊城城皆累石不得攻乃為地道再宿而拔拓地數

百里虜衆驚以為神及還武裝七寶舉迎入成都以誇異之表為西山都知兵馬使永泰元年武卒寧奏大將王崇俊為節度而行軍司馬杜濟別將郭英幹郭嘉琳皆推郭英乂二奏俱至而朝廷已用英乂矣英乂始署事即誣殺崇俊遣使召寧寧大恐託拒吐蕃不敢還英乂出兵聲言助寧實欲襲之寧家在漢州英乂遷之成都通其妾媵寧知之益負阻英乂自將討之值大雪馬多凍死士心離遂敗歸寧因率兵攻成都英乂陣城西

使柏茂琳為前軍英幹居左嘉琳後殿戰輒敗軍多降

寧使反攻英又不勝走簡州為韓澄所殺

新書作走靈池通鑑舊書

俱作走簡州從之

於是劔南大擾楊子琳與柏貞節連和討寧

明年代宗詔杜鴻漸往平其亂寧遣使獻繒錦數萬辭

甚卑約鴻漸貪其利至鎮委以政事日與僚屬縱酒高

會表貞節為邛州刺史子琳為瀘州刺史以和解之數

薦寧於朝因詔授成都尹西山防禦使西川節度行軍

司馬鴻漸既還朝遂為節度使大厯三年入朝寧本名

旰至是賜名

舊書鴻漸請旰為行軍司馬仍賜名寧鴻漸歸遂投寧為節度按通鑑大歷二年六

月鴻漸入朝據此改名當在行軍司馬時又舊傳寧至十四年始入朝而鴻漸傳云大歷二年鴻漸仍率旰同入覲通鑑考異曰實錄無隨鴻漸入朝事傳誤據通鑑與新書同從之

時寧弟寬留守成

都楊子琳乘間以精騎數千襲據其城寬戰力屈寧妾

任氏素饒果出家財募勇士千人設部隊自將以進子

琳大懼會糧盡遂遁帝聞子琳取成都遣寧還寧見朝

無紀綱而蜀地險遠乃痛誅斂使寬居京師厚賂權貴

深結元載父子故寬驟擢御史中丞寬兄審至給事中

寧在蜀久兵寢彊盛肆侈窮欲多汚逼將吏妻妾朝廷  
隱忍不能詰累加尚書左僕射十四年入朝進檢校司

空同中書門下平章事兼山陵使俄為御史大夫

按舊紀及

宰相表喬琳免後皆無寧入相文而舊書寧傳云代喬琳為御史大夫平章事新書云以平章事為御史大夫通鑑喬琳罷政事在大歷十四年十一月寧即於是月為單于鎮北大都護無代琳為御史大夫事未知孰是

建白擇御史當出大夫不宜謀及宰相因奏李衡于結  
等任御史楊炎怒不附已寢而不行又惡寧申救劉晏  
會南蠻合吐蕃入寇覆沒州縣德宗促寧還炎乃說帝

曰蜀天下輿壤自寧擅制朝廷失外府十四年此行若使無功是徒遣也若其有功誼不可奪勝敗皆非國家利帝問卿策云何炎曰請留寧發朱泚所領范陽兵數千人雜禁兵往擊之何憂不克因是得真親兵蜀將破膽然後更授他帥以收千里之權是謂因小禍受大福也帝曰善遂留寧託言重臣綏靖北陸改兼京畿觀察使靈州大都督單于鎮北大都護朔方節度鄜坊丹延州都團練觀察等使每道各置留後靈州杜希全振武

張光晟

新舊書俱作王相按胡傳無爲振武事而光晟傳大歷末爲振武節度與通鑑合從之

鄺

州李建徽使得自奏事及署戴休顏杜從政呂希倩伺  
寧過失寧至夏州與希倩招降党項甚衆炎惡之即奏  
希倩無綏邊才而以神武將軍時常春代之更拜寧右  
僕射知省事與盧杞不叶嘗謂所親帝聰明從諫如轉  
圜但爲盧杞所惑爾杞聞之思構寧於帝會朱泚亂與  
王翊同赴難翊言其顧望又得泚反問誣以與賊通書  
乃召至朝堂中人引寧於幕後使二力士縊殺之年六

十一籍其家中外寃之貞元十二年故將夏綏銀節度使韓渾請以己官雪寧罪乃聽收葬寧季弟密密子繪俱以文辭稱繪四子蠡黯確顏皆擢進士第蠡字越卿開成中為戶部侍郎歷平盧天平軍節度使終尚書左丞子羗字野夫乾符中為吏部侍郎美文辭談辯華給出為陝虢觀察使王仙芝亂漢上河南羣盜興羗委政廝豎不恤人疾苦百姓訴旱指庭樹示之曰柯葉尚爾何旱為即榜笞之上下離心俄為軍吏所執髡其髻鬚



義再拜祈免乃得去渴甚求飲於民民飲以溺坐失守  
貶端州司馬終左散騎常侍黯字直卿開成初為監察  
御史奏郊廟祭事不虔條具以聞擢員外郎累遷諫議  
大夫確字岳卿顏字希卿位皆郎中

李澄遼東襄平人隋蒲山公寬之遠胄以勇剽隸江淮  
都統李垣府為偏將又從永平節度李勉軍勉帥汴表  
澄滑州刺史李希烈陷汴勉走澄以城降賊希烈以為  
尚書令節度永平軍興元元年澄遣盧融問道奉表詣

行在德宗嘉之署帛詔內蜜丸授澄刑部尚書汴滑節度使澄未即宣乃先勒訓士馬希烈疑以養子六百戍之賊急攻寧陵邀澄至石柱澄密令焚營為驚遁者養子輩果乘以剽掠澄盡斬之希烈不能詰賊遣將翟崇暉率精兵寇陳州未還汴軍寡澄度不能制已又中官薛盈珍持節至封澄武威郡王賜實封乃燔賊旗節自歸希烈既失澄而崇暉復敗繇是奔汝南澄引兵將取汴屯其北門不敢進及劉洽師屯東門賊將田懷珍納

之比澄入洽已保子城矣澄乃舍浚儀兩軍將士日忿爭未能安會鄭州賊將孫液送款於澄澄遣子清馳赴

之先此河陽節度使李芄使偏將雍希顥

舊書作雍顥

攻鄭

數殘剽液拒之及納清希顥大怒急攻鄭清助守殺河陽兵數千希顥焚陽武去澄遂如鄭詔授清檢校太子賓客易名克寧貞元初遷澄檢校尚書左僕射義成軍節度使二年卒年五十四贈司空澄始封隴西公後乃進王爵每上章必疊署二封士大夫笑其野澄之喪克

寧闕不發欲自領事其行軍司馬馬鉉不許克寧殺之  
嬰城將為亂劉洽以兵屯境上遣使諭止詔以賈耽代  
鎮克寧乃護喪歸悉索府中財夜出軍士從剽之殆盡  
澄樞至京猶賜克寧莊一區錢千緡粟麥千石云

韓全義史失其先世興卒伍以巧佞事宦者竇文場擢  
累長武城使進拜夏綏銀宥節度使詔以長武兵赴屯  
全義素懦貪無紀律詔未下軍中徧知之謀曰夏州沙  
磧無樹藝生業不可往是夜譟而亂全義縋以逸殺其

親將王栖巖趙虔曜等軍虞候高崇文誅亂首衆乃定  
全義得赴屯吳少誠以蔡拒命詔合十七鎮兵討之時  
軍無帥統惟以奄豎監之遂敗于小潑德宗以文場素  
為全義地因用為淮西行營招討使以陳許節度使上  
官況副之諸鎮兵皆屬全義無它方畧號令悉稟監軍  
每議攻戰宦豎十數紛爭帳中互詆訾不能決賊知之  
數請戰遇賊廣利城方暑地沮洳士皆病癘全義未嘗  
存之既戰師皆潰退保五樓賊移屯逼之乃與監軍賈

英秀等保澱水不能固又入屯陳州宦人共掩其敗帝不知少誠度無能為即謾書謝監軍求洗前咎帝下其議宰相賈耽請納其誠帝然之全義班師過闕下託疾不入謁司馬崔旌見帝謝無功帝曰全義誘少誠歸國功大矣何必殺敵乃為功邪還屯夏州中人即第宴賚然卒不見天子去時恨帝失政使姦人得肆云憲宗在藩疾之既嗣位全義大懼願入覲不復用以太子少保致仕卒其子獻女樂八人帝不納曰我方以儉治天下

惡用是為哉

嚴礪字元明梓州鹽亭人少為浮屠法太守偉其才表  
為玄武尉從祖兄震鎮山南署牙將德宗臨幸主饋餉  
有功遷都虞候為人輕躁多奸謀以便佞自將累為興  
州刺史震卒以礪權主留府事遺言薦之即拜本道節  
度使在位貪沓苟得士民不勝其苦誣奏馬勛貶賀州  
司戶劉闢反以儲備有素加檢校左僕射兼領東川擅  
沒吏民田宅百餘所稅外加斂錢及芻粟數十萬元和

四年卒贈司空後御史元稹劾發其贓請加惡謚朝廷以其死故但追田宅奴婢還其主稅外所斂悉蠲除云盧從史其先在元魏時為盛族後徙籍不常父虔好學由進士第歷御史祕書監從史少好騎射遊澤潞間節度使李長榮署為督將貞元後藩臣闕德宗必取本軍所喜戴者授之從史在潞姦獍得志又善附迎中人會長榮卒即擢拜昭義節度副大使既得志寢恣不道元和中丁父喪去官從史即獻計誅王承宗陰向帝旨錄



是奪服領澤潞因詔討賊而勒兵逗留陰與承宗文得其密號授軍中又高弼粟直以售度支即上書求兼宰相且誣諸軍與賊通兵未可進憲宗患之初神策中尉吐突承瓘與對壘從史時過其營飲博承瓘多出寶帶奇玩夸之從史資沓猥所玩悅必遺焉從史喜益狎不疑帝用裴珣謀敕承瓘圖之承瓘伏壯士幕下伺其來與語士突起梓持出帳後縛內車中從者驚亂斬數十人諭以密詔而大將烏重胤素忠果部勒其衆乃定會

夜疾驅未明出境道路無知者有詔慰其軍疏從史罪惡貶驪州司馬賜死子繼宗等並徙嶺南

高霞寓幽州范陽人其先五代不異居孝聞里閭德宗詔表其門霞寓能讀春秋及兵法頗以氣概自尚狡譎多變往見長武城使高崇文崇文異其才敬任軍職從擊劉闢戰輒克下鹿頭城降李文悅仇良輔等追戰七盤城有功禽闢於羊灌擢拜彭州刺史俄代崇文為長武城使封感義郡王元和中以左威衛將軍隨吐突承

璿討王承宗諸將多覆軍獨霞寓有功詔藏所獲鎧仗  
於神策庫以旌之承璿已執盧從史其軍相驚乃遣霞  
寓諭之麾而大呼曰元惡縛矣公等宜自安即脫鎧楫  
而前衆遂定欲留為帥霞寓問道去拜豐州刺史三城  
都團練防禦使討吳元濟也析山南東道為兩鎮以霞  
寓宿將拜唐鄧隨節度使遏賊南衝霞寓雖悍而寡謀  
統制尤非所善始引兵趨蕭陂戰小勝進至文城柵賊  
僞北逐之為伏所掩遂大敗才以身免詔貶歸州刺史

乃厚賂權宦召為右衛大將軍拜振武節度使會吐蕃  
攻鹽豐二州霞寓以兵五千屯拂雲堆虜引去浚金河  
溉鹵地數千頃改左武衛大將軍又節度邠寧位檢校  
司徒寶曆中以右金吾衛大將軍召卒于道贈太保

欽定四庫全書

欽定續通志卷二百四十四

列傳

唐 四十四

元載

王縉 黎幹

楊炎 庾準

嚴郢

竇參 吳通玄

元載字公輔鳳翔岐山人父昇本景氏曹王明妃元氏

賜田在扶風昇主其租入有勞請於妃冒為元氏

舊書  
載母

攜載適景昇冒姓元氏似載非景  
昇子久不詳元氏來歷今從新書載少孤嗜學尤好道

書天寶初詔舉明莊老列文四子學者遂入高等補新  
平尉韋鎰監選黔中苗晉卿留守東都皆署判官連授  
大理評事司直寢以名聞肅宗初江東李希言表為採  
訪副使擢祠部員外郎洪州刺史入為度支郎中占奏  
敏給帝甚異之累遷戶部侍郎充度支江淮轉運等使  
帝不豫李輔國用事其妻即載宗女因相締結會京兆  
尹缺輔國白用載載意屬國柄固辭輔國會其意翌日

拜同中書門下平章事領使如故代宗立輔國數稱其  
才進拜中書侍郎許昌縣子載以度支職務繁重慮吏  
事督責傷名損威乃悉委劉晏俄判天下元帥行軍司  
馬盜殺輔國載陰與其謀乃復以厚利結中人董秀刺  
取密旨凡帝有所屬必先知之探微揣端無不諧契故  
帝任不疑華原令顧繇白發其私帝斥繇除名為民載  
與內侍魚朝恩不叶乘間奏誅之矜肆益甚時擬奏文  
武官功狀多舛慮有司駁正請別敕授六品以下官吏

兵二部即附甲團奏不須檢勘又與王縉請以河中為中都選兵五萬列屯鎮禦哀關輔河東十州稅實之杪秋行幸春首還京可避羌戎之患遣所親經圖宮殿先築私第帝聞惡之置其議初四鎮北庭行營節度使寄治涇州議者皆謂散地不可守載請徙京西軍戍原州移子儀大軍駐涇以為根本分兵守石門木峽隴山之險北抵于河稍置鳴沙縣豐安軍為之羽翼北帶靈武五城為之形勢然後舉隴右之地以至安西是謂斷西



戎脛朝廷高枕矣圖上地形使吏間入原州度水泉計  
徙庸車乘畚鍤之器悉具而田神功沮短其議乃曰興  
師料敵老將所難陛下信一書生舉國從之誣矣帝由  
是疑不決時載久得君外委主書卓英倩李待榮內劫  
婦言縱子闕通貨賄京師要司及方面皆進用貪猥城  
中開南北二第近郊起臺觀膏腴別墅疆畛相望名姝  
異伎舉集其門恣為淫褻不避人倫帝知而戒之誓然  
不悛有李少良者以吏進由諸帥府累遷殿中侍御

按通

鑑作成都司錄

罷遊京師不見調憤載不法疏論其惡帝留少

良客省欲究其事其友韋頌漏言于陸珽載召珽問知之乃奏殺少良及珽頌皆杖死由是道路目語不敢復議帝積怒大歷十二年三月遣金吾將軍吳湊收載及王縉繫政事堂分捕親吏諸子下獄命劉晏李涵等訊狀遣中使臨詰陰事皆服先杖殺董秀賜載自盡於萬年縣

據通鑑輯

妻王氏河西節度忠嗣女素以允戾聞子伯

和揚州兵曹參軍仲武祠部員外郎季能校書郎並賜

死發其祖父冢斲棺棄尸並毀廟主破大寧安仁二第  
修百官署以東都第助治禁苑籍其家鍾乳五百兩分  
賜朝臣胡椒至八百斛它物稱是女真一没入掖庭德  
宗為太子實用載議興元元年詔復其官聽改葬謚曰  
荒後改曰成載敗卓英倩李待榮術者李季連悉論死  
其坐貶者楊炎王昂宋晦韓洄王定包佶徐演裴冀王  
紀韓會等凡數十人英倩弟英璘家金州恃載權豪制  
鄉曲聚無賴少年以伺變載誅盜庫兵據險以叛詔發

禁卒及山南西道兵討捕刺史孫道平擒殺之

王縉字夏卿本太原祁人後客河中少好學與兄維俱

以名聞舉草澤文辭清麗科歷侍御史武部員外郎祿

山亂擢太原少尹佐李光弼以功加憲部侍郎歷工兵

二部侍郎史朝義平詔宣慰河北使還稱旨拜黃門侍

郎同中書門下平章事

通鑑廣德二年以右散騎常侍王縉為黃門侍郎同平章事舊

傳詳載縉由左散騎常侍改兵部侍郎宣慰河北拜黃門侍郎

進侍中代李光弼持節

都統河南淮西山南東道諸節度行營事辭侍中加東

都留守歲餘拜河南副元帥請減軍資錢四十萬緡修  
東都殿宇朱希彩殺李懷仙詔拜盧龍節度使至即委  
軍希彩而還會辛雲京卒兼領河東節度太原將王無  
縱張奉璋恃功以緡儒者易之不如律令緡斬以徇諸  
將股慄再歲還以本官復知政事時元載用事曲意附  
之素佞佛不茹葷食肉晚年尤甚妻死以道政里第為  
佛祠每節度觀察使入朝必邀至其所諷令施財佐營  
作初代宗喜祠祀未重浮屠法緡與元載盛陳福業報

應言國家慶祚靈長皆福報所憑非闕人事故帝信愈篤大厯政刑日以堙陵實由於此性貪冒縱弟妹女尼廣納財賄猥屑相稽若市賈然及敗劉晏等劾其罪同載論死晏謂李涵曰重刑再覆國之常典又法有首從二人同刑亦宜重取進止乃覆奏帝憫其耄不加刑貶括州刺史久之遷太子賓客分司東都卒年八十二  
黎幹戎州人善星緯術得待詔翰林累至諫議大夫自負其辯沾沾喜議論實應初禮官建言以景皇帝配天

地比於商之契周之后稷於禮為宜幹非之上十詰十  
難傳經義詆鄭玄議聞代宗不聽其言遷京兆尹頗以  
治稱京師苦乏樵薪幹議開漕渠運載久之渠不就改  
刑部侍郎魚朝恩敗坐交通出為桂州刺史本管觀察  
使大厯八年復召為京兆尹時大旱幹造土龍自與巫  
覡對舞彌月不應又禱孔子廟帝聞命毀土龍減膳節  
用既而霖雨十三年涇水壅隔請開鄭白支渠復秦漢  
故道以溉民田廢碾磴八千餘所幹性貪暴既復用專

徇財色附會嬖近挾左道希主恩帝甚惑之德宗在東  
宮幹與宦者劉忠翼謀危宗嗣及即位又說道希進密  
詣忠翼第事覺除名長流賜死藍田驛

楊炎字公南鳳翔天興人曾祖大寶武德初為龍門令  
劉武周攻之死於守贈全節侯祖哲以孝行旌父攜登  
進士第退居求志玄宗召拜諫議大夫棄官歸養肅宗  
就加散騎常侍賜號玄靜先生

舊書作  
玄靖

炎美鬚眉風骨

峻峙文藻雄蔚汧隴間號為小楊山人始辟河西呂崇



賁掌書記李光弼奏為判官不應召拜起居舍人固辭  
遭父喪廬墓側號泣不絕聲有紫芝白雀之祥詔表其  
廬三代以孝聞門樹六闕近古未有終喪起為司勳員  
外郎遷中書舍人知制誥元載與炎同郡炎又元出也  
擢炎吏部侍郎史館修撰引以自近親重無比載敗貶  
道州司馬德宗在東宮雅知其名及即位崔祐甫薦炎  
可器任即拜門下侍郎同中書門下平章事舊制天下  
財賦皆貯於左藏太府四時上其數比部覆其出入及

第五琦為度支鹽鐵使時京兆多豪將求取無節不能  
自制乃悉進大盈內庫天子以給取為便遂不復出自  
是天下公賦為人君私藏有司不得計盈縮宦官持簿  
籍蠶食其間根柢連結牢不可動炎奏財賦國之大本  
生民之命天下治亂重輕繫焉先朝權制以中人領其  
職豐儉盈虛雖大臣不得知則無以計天下利害政之  
蠹敝莫甚於此請出之以歸有司度宮中一歲經費幾  
何量數奉入帝從之乃詔歲中裁取以入大盈

按舊書  
每歲量

進三五十萬通鑑歲於數中擇精好者三五千匹實錄亦互異

度支具數先聞又請為

兩税法盡草天寶至德以後積弊

詳見食貨畧

凡百役之費

一錢之斂先度其數而賦於人量出制入戶無主客以見居為簿人無丁中以貧富為差不居處而行商者在所州縣稅三十之一度所取與居者均使無僥利居人之稅秋夏兩入之俗有不便者正之其租庸雜徭悉省而丁額不廢其田畝之稅率以大厯十四年墾田之數為準而均收之夏稅盡六月秋稅盡十一月歲終以戶

賦增失進退長吏而尚書度支總焉帝善之詔諭中外  
天下咸稱其便自是不土斷而地著賦不加斂而增  
入版籍不造而得其虛實吏不誠而姦無所取輕重之  
權始歸朝廷矣炎以單議悟天子中外翕然望為賢相  
居數月崔祐甫疾不能視事喬琳免炎獨當國遂多變  
祐甫之政減薄護元陵功人始不悅又請開豐州陵陽  
渠發畿縣民役作閭里騷然渠卒不就素德元載思有  
以報之於是復議城原州段秀實時為涇原節度謂安

邊却敵宜以緩計方農事不可遽興功炎怒追為司農卿以邠寧李懷光督作遣朱泚崔寧統兵萬人翼之詔下涇軍恚曰吾屬為國西屏十餘年始居邠州甫營農桑有地著之安徙此榛莽中手披足踐既立城壘則又投之塞外且安寘此乎又懷光持法嚴舉軍畏之裨將劉文喜因人之怨上疏復求秀實為帥不則朱泚詔以泚代懷光文喜又不奉詔閉城拒守質其子吐蕃以求援時方旱人情騷攜羣臣請赦文喜帝不聽命泚與懷

光率軍圍其城別將劉海賓斬文喜獻其首涇州平而原卒不能城又以誣殺劉晏朝野側目李正己表請晏罪炎懼乃遣腹心分走諸道聲言宣慰實自辨解言晏往嘗附會姦邪謀立獨孤妃為后帝自惡之非它過帝聞使中人復其言於正己還報信然於是帝意銜之未發也會盧杞入相炎進中書侍郎同秉政薄杞無學術且貌陋託疾不與會食杞陰恨之舊制舍人分押六曹以平奏報開元初廢其職杞請復之炎固執不可杞益

怒又密啟主書過逐之炎謂當自治奈何相侵初炎赴召道經襄漢因勸梁崇義入朝不從後又使李舟馳說及其叛議者以為炎趣成之帝欲用淮西李希烈致討炎曰希烈為李忠臣養子卒逐忠臣取其位此可以任乎居無尺寸功猶倔彊不奉法設使平賊將何以制之帝不能平恚曰朕業許之不能食言遂用希烈又嘗訪羣臣可大任者杞薦張鎰嚴郢炎舉崔昭趙惠伯帝以炎論議疎濶遂罷為尚書左僕射既謝對延英訖不至

中書杞怒益欲中之

按炎罷相通鑑以李希烈軍久不應杞密言希烈遷延以炎故也請

暫免炎相以悅之建中實錄又云會炎病請急累日上使中官就第宣諭旨翌日遷左僕射炎謁謝恩旨甚渥

杞大懼與新舊書傳頗異

先是嚴郢為京兆尹不附炎

詳郢傳

至是杞

引為御史大夫炎子弘業賕賂狼籍郢按之并得它過

趙惠伯前尹河南重價市炎第為官廨御史劾炎宰相

抑吏市私第貴取其直杞召大理正田晉評罪晉曰宰

相於庶官比監臨計羨利罪奪官杞怒謫晉衡州司馬

於是當監主自盜罪絞開元時蕭嵩欲營曲江南立私



廟以爲天子臨幸處乃止後炎復取以立廟飛語云地有王氣故炎取之帝聞震怒會獄具詔三司同覆貶炎崖州司馬未至百里賜死年五十五貶惠伯費州多田尉亦殺之初炎矯飭志節頗得名既傳會元載時議已薄之後得政柄果於用私睚眦必讐終以此及禍久之詔復其官謚肅愍左丞孔戣駁之更曰平厲

庾準常州人父光先天寶中文部侍郎準以門蔭入仕無學術以柔媚得幸於王縉驟至中書舍人再遷尚書

右丞縉得罪出為汝州刺史復入為司農卿又善楊炎  
炎欲殺劉晏知準與晏有隙使為荆南節度晏既誣死  
引為尚書左丞建中三年卒贈工部尚書

嚴郢字叔敖華州華陰人父正誨以才吏更七郡終江  
南西道採訪使郢及進士第補協律郎守東都太廟祿  
山亂郢取神主秘於家至德初定洛陽有司得以奉迎  
還廟擢大理司直呂諲鎮江陵表為判官方士申泰芝  
舊書呂諲傳  
作申泰芝  
以術得幸肅宗妖幻說衆姦賊鉅萬潭州

刺史龐承鼎按治帝召還泰芝下承鼎江陵獄郢具言

泰芝左道帝遣中人與謹雜訊有狀帝不然之會郢入

朝亟辨之帝怒卒殺承鼎流郢建州

按舊書呂謹傳謹令郢鞠之謹上疏

論其事肅宗怒流郢建州承鼎竟得雪無郢入朝事承鼎得雪亦與此互異

代宗初召郢為

監察御史連署帥府司馬郭子儀表為關內河東副元

帥府判官遷行軍司馬子儀鎮邠州檄郢主留務河中

士卒不樂戍邠多逃還郢取渠首尸之乃定歲餘召至

京師元載薦之帝時載得罪不見用御史大夫李栖筠

亦薦郢帝曰是元載所厚可乎答曰如郢材力陛下不自取而留為姦人用耶即日拜河南尹水陸運使大厯末進拜京兆尹嚴明持法令疾惡撫窮敢誅殺盜賊一衰減隸官匠丁數百十人號稱職宰相楊炎請屯田豐州發關輔民鑿陵陽渠郢習朔邊病利即奏朔方五城舊屯肥饒地自喪亂以來十不墾一今發二京關輔民於豐州浚渠營田計所得不補所費而關輔之人不免流散是虛畿甸而無益軍儲也郢又請以鑿渠糧俾舊

屯諸城夏貸冬輸取渠上布帛給田者令據直轉穀則  
闕輔免調發而屯田自闕災不許渠卒不成御史臺請  
天下斷獄一切待報唯殺人償死餘悉徙邊郅言罪人  
徙邊即流也流有三而一用之誠難且殺人外猶有十  
惡今一例徙之法太輕不足禁惡若雜犯等悉與十惡  
同徙即又太重況論徙者至廣例不覆讞若悉待報正  
恐牒按填委章程紊撓且邊及近邊若何為差請下有  
司更議災惡異已陰諷御史張著劾郅匿發民浚渠使

怨歸上繫金吾長安中日數千人遮建福門訟郢寃帝  
微知之削兼御史中丞人知郢得原皆迎拜會秋旱郢  
請蠲租稅災令度支御史按覆以不實罷為大理卿災  
之罷盧杞引郢為御史大夫共謀災罪即逮捕趙惠伯  
下獄楚掠慘棘鍛成其罪天下以郢挾宰相報仇為不  
直然杞內忌郢才因按蔡廷玉事出郢為費州刺史道  
逢樞殞問之或曰趙惠伯之殞郢內慙忽忽歲餘卒

舊書

盧杞傳云貶郢  
驛州刺史恐誤

實參字時中刑部尚書誕四世孫學律令為人矜嚴悻  
直果於斷以蔭累萬年尉同舍當夕直者聞親疾惶遽  
參為代之會失囚京兆按直簿劾其人參曰彼以不及  
謁而往參當坐乃貶江夏尉人皆義之遷奉先尉男子  
曹芬兄弟隸北軍醉毆其妹父救不止恚赴井死參當  
兄弟重辟衆請俟免喪參曰父繇子死若以喪延是殺  
父不坐皆撈殺之一縣畏服進大理司直按江淮獄揚  
州節度使陳少游偃蹇不郊迎遣軍吏致問參厲辭譙

讓少游慙往謁參參不顧即去婺州刺史鄧珽盜賊八千緡宰相右珽欲免輸其財詔百官集尚書省議多希意為助參獨持法卒輸入之遷監察御史湖南判官馬彝發部令贓千萬令之子因權幸誣奏彝參往按直其獄彝後左曹王臯以幹直聞者也入為御史中丞舉劾無所回忌德宗數召見語天下事或決大議深器之多與宰相駁異數為排卻卒無以傷參由是無所憚或率情制事矣時定百官班稟參嘗為大理司直故多其入



使在丞上惡詹事李昇抑其班在諸府少尹下中外稍  
惡其專進兼戶部侍郎陳少游死子請襲封參大署省  
門曰少游位將相以艱危易節上含垢不忍發其息容  
得傳襲耶遂不敢求封而去神策將軍孟華有戰功或  
誣以反龍武將軍李建玉陷吐蕃自拔歸部曲告與虜  
通皆論死參悉理出之俄以中書侍郎同中書門下平  
章事領度支鹽鐵使每延英對它相罷參必留以度支  
為言實專政也參無學術惟樹親黨以為耳目四方藩

帥畏之淄青李納厚饋參外示嚴畏陰賂左右毀短之  
參愛族子申為給事中每除吏多訪申申因得招賂漏  
禁密語故申所至人目為喜鵲帝聞以戒參且曰是必  
為累不如斥之參以情訴曰臣無彊子姓申雖疏屬保  
無它犯申竟不悛初陸贄與參不平申舅嗣虢王則之  
與吳通玄兄弟善共譖贄帝得其姦逐申為道州司馬  
不決日貶參郴州別駕

舊書通玄傳參貶柳  
州司馬中錦州司戶

宣武劉士

寧餉參絹五千湖南觀察使李巽以狀聞帝大怒以為

外交戎臣欲殺參贊以殺之太重乃貶驪州司馬子景伯配泉州女尼真如隸郴州沒入貲產奴婢帝又欲殺申則之及屬人榮贊固爭法有首從請貶榮遠官申則之除名流嶺南詔可時宦侍謗不已參竟賜死於邕州年六十而杖殺申免榮死諸實並逐云

吳通玄海州人與弟通微皆博學善文章父道瓘以道士詔授太子諸王經故通玄等皆得侍太子游太子待甚善始通玄舉神童補祕書正字又擢文辭清麗科調

同州司戶參軍德宗立弟兄踵召為翰林學士頃之通  
微遷職方郎中通玄起居舍人並知制誥凡帝有譏述  
非通玄筆未嘗慊與陸贄吉中孚韋執誼並位贄文高  
有謀特為帝器遇且更險難有功通玄等特以東宮恩  
舊進昵而不禮見贄驟擢頗媚恨贄自恃勁正屢短通  
玄於帝前又言承平時工藝書畫之冗皆待詔翰林而  
無學士至德以來命集賢學士入禁中草書詔待進止  
於翰林院因以名官今四方無事制書職分宜歸中書

舍人請罷學士帝不許通玄怨日結謀奪其內職會贄  
權知兵部侍郎主貢舉乃命為真貞元七年通玄拜諫  
議大夫自以久次當得中書舍人大怨望贄與竇參交  
惡參從子申從舅嗣虢王則之方為金吾將軍故申介  
之使結通玄兄弟共危贄飛謗云贄試進士受賄謝帝  
惡誣搆大怒罷參相逐則之昭州司馬通玄泉州司馬  
又通玄以宗室女為外婦帝以淫污近屬自詰之不敢  
答賜死長城驛通微白衣待罪於門帝宥之內懼禍不

敢行喪服

欽定續通志卷二百四十四

欽定四庫全書

欽定續通志卷二百四十五

列傳

唐 四十五

李栖筠 吉甫

李勉

李鄘 礪

崔從 能

李栖筠字貞一世為趙人幼孤有遠度莊重寡言體貌軒特喜書多所通曉為文章勁迅有體要不紊交遊舉

進士擢高第調冠氏主簿大守李峴視若布衣交遷安  
西封常清節度判官表攝監察御史為行軍司馬肅宗  
駐靈武發安西兵栖筠揀精卒七千赴難擢殿中侍御  
史李峴與呂諲崔器為詳理使峴表栖筠為判官多務  
平恕輕重以情故峴獨得美譽出呂諲崔器上遷吏部  
員外郎判南曹時大盜後選簿亡外多偽冒栖筠判析  
有條吏氣奪號神明遷山南防禦觀察使會峴去相栖  
筠坐所善除太子中允改河南令李光弼守河陽高其



才引為行軍司馬兼糧料使改絳州刺史擢累給事中  
進工部侍郎關中舊仰鄭白二渠溉田而豪戚壅上游  
取磴利且百所奪農用十七栖筠請皆撤毀歲得租二  
百萬元戴忌之出為常州刺史歲仍旱編民死徙踵路  
栖筠為浚渠引江流灌田遂大稔捕宿賊張度支黨皆  
盡乃大起學校堂上畫孝友傳示諸生為鄉飲酒禮登  
歌降飲人人知勸以治行進銀青光祿大夫封贊皇縣  
子賜一子官會光弼用平盧司馬許杲討平蘓州寇方

清果恃功擅留上元有窺江吳意朝廷以殘創重起兵  
拜栖筠為浙西都團練觀察使至則張設武備遣辯士  
厚齎金幣賞勞果軍以奪其謀果懼悉衆渡江栖筠乃  
益增學廬表宿儒褚冲吳何員等為學官遠邇趨慕又  
奏部豪姓多徙貫京兆河南規脫徭科請量產出賦以  
杜姦謀詔可代宗厭元載恣橫欲引剛鯁大臣自助會  
御史大夫敬括卒即召栖筠與張延賞延賞先至遂代  
括俄按李少良陸玼等上書劾載陰事依違稱疾帝殊

失望出之拜栖筠御史大夫制麻自中以授外庭莫知

也栖筠素方挺無所屈於是華原尉侯莫陳怵

按通鑑作美原

尉未知孰是

以優補長安尉當參臺栖筠物色其勞怵色動

不能對乃自言為徐浩杜濟薛邕所引三人者皆元載

黨栖筠并劾之怵等皆坐貶自以任國風憲故事賜百

官宴曲江教坊倡願雜侍謝不往臺遂以為法素有相

望帝因憚載輒止然有進用皆密訪焉多所補助時帝

少剛斷栖筠內憂憤卒年五十八自為墓誌贈吏部尚

書謚文獻栖筠喜獎善而樂人攻已短為天下士歸重不敢斥其名稱贊皇公云子吉甫

吉甫字弘憲以陰補左司禦率府倉曹參軍貞元初為太常博士年尚少明練典故昭德皇后崩卹禮廢缺吉甫草具其儀德宗稱善李泌竇參器其才厚遇之累遷駕部員外郎及陸贄為相疑有黨出為明州長史久之起為忠州刺史時贄已謫忠州吉甫置怨與結歡人益重其量

新書傳云宰相欲害贄起吉甫為忠州刺史按舊傳云吉甫遇赦還忠州贄本傳亦云時吉甫

量移忠州通鑑  
綱目並同從之

六年不徙官以疾免尋授柳州刺史

遷饒州憲宗立拜考功郎中知制誥俄入翰林為學士  
遷中書舍人劉闢拒命帝意討之未決吉甫獨請無置  
宜絕朝貢以折姦謀時李錡在浙西厚賂貴幸請用韓  
滉故事領鹽鐵又求宣歙吉甫奏言昔韋臯多蓄財故  
劉闢因以構亂錡不臣有萌若益以鹽鐵之饒采石之  
險是趣其反也帝悟乃以李巽為鹽鐵使高崇文圍鹿  
頭未下嚴礪請出并州兵與崇文趨果閬以攻渝合吉

甫以為非是因言漢伐公孫述晉伐李勢宋伐黠縱梁  
伐劉季運蕭紀凡五攻蜀田江道者四宜起宣洪蘄鄂  
彊弩兵直擣三峽則賊勢必分首尾不救宗文懼舟師  
成功人有鬪志矣帝從之礪復請大臣為節度吉甫諫  
曰宗文功且成而又命帥不復盡力矣因請以西川授  
崇文而屬礪東川使兩相制由是宗文悉力劉闢平吐  
蕃遣使請尋盟吉甫議德宗初未得南詔故與吐蕃盟  
自異牟尋歸國吐蕃不敢犯塞誠許盟則南詔怨望邊

隙日生帝辭其使復請獻濱塞亭障南北數千里求盟  
吉甫謀曰邊境荒岨犬牙相吞邊吏按圖覆視且不能  
知今吐蕃繇山跨谷以數番紙而圖千里起靈武著  
劍門要險之地所亡二三百所有得地之名而實喪之陞  
下將安用此帝乃詔謝贇普不納張愔既得徐州帝又  
欲以濠泗二州還其軍吉甫曰淮負泗餉道所會濠有  
渦口之險前日授建封幾失形勢今愔乃西廊壯士所  
立雖有善意未能制其衆又使得淮渦阨東南走集憂

未艾也乃止中書吏滑渙素厚中人劉光琦頗竊朝權四方賂遺交至吉甫劾其姦簿家貲得數千萬貶死雷州帝愈倚信元和二年拜中書侍郎同中書門下平章事吉甫在外十餘年究知閭里疾苦常病方鎮疆恣至是上言使屬郡刺史得自為政帝然之出郎吏十餘人為刺史自王叔文時選任猥冒吉甫始簿其員人得叙進官無留才又度李錡必反勸帝召之使者三往以病解而多持金啗權貴至為錡游說者吉甫曰錡庸材而



所畜乃亡命羣盜非有鬪志討之必克帝意決復請起

徐州兵為先鋒詔汴州韓弘率兵為犄角則賊不戰而

潰從之錡衆聞徐梁兵興果斬錡降

按通鑑元和二年李錡求入朝上許

之錡實無行意復上表稱疾帝以問宰相武元衡曰錡求朝得朝求止得止可否在錡何以令四海上以為然下詔徵之錡詐窮遂謀反無吉甫勸帝召錡事又錡衆執錡械送京師上御興安門詰之錡無以對乃并其子師回腰斬之亦與新傳斬錡降互異以功封贊皇縣侯徙趙國公德宗以

來姑息藩鎮有終身不易地者吉甫為相歲餘凡易三

十六鎮殿最分明三年上策試賢良方正直言極諫舉

人牛僧孺皇甫湜李宗閔皆指陳時政之失吉甫惡其

直泣訴于上罷覆策學士裴垍王涯僧孺等久不調朋

黨自此始

新唐書本傳云裴垍以尚書右僕射判度支結黨傾執政會皇甫湜等對策指適權彊用

事者皆怒帝亦不悅均黨因宣言殆執政使然右拾遺獨孤郁李正辭等陳述本末帝乃解通鑑考異曰均等

雖欲為讒若云執政自教舉人詆時政之失豈近人情按僧孺與吉甫子德裕朋黨分角起于對策詆毀之嫌

如新書所云吉甫何嫌于僧孺殊非事實今依通鑑纂入

未幾以檢校兵部尚書兼

中書侍郎平章事充淮南節度使

新唐書本傳吉甫本善竇羣羊士諤呂溫

薦羣為御史中丞羣即泰士諤侍御史溫知雜事吉甫恨不先白持之久不決羣等衛之俄而吉甫病醫者夜

宿其第羣捕醫者勅吉甫交通術士帝大駭訊之無狀羣等皆貶而吉甫亦固乞免因薦裴垍自代乃出鎮淮南考羣傳武元衡舉羣代已為中丞羣奏刑部郎中呂溫羊士諤為御史吉甫以羊呂險躁持之數日不下羣等怒怨及吉甫出鎮因失恩傾之乃捕術士陳登考勅搆吉甫陰事密以上聞與本傳異吉甫以士諤溫為險躁非素所親善可知實羣勅吉甫交通術士若出鎮前不得云因失恩傾之又醫者舊書作日者陳克明與羣傳術士陳登亦不符三傳互異似俱未足據又通鑑考異謂吉甫以誣搆鄭絪貶斥裴垍憲宗察見其情而疏薄之故出鎮淮南亦屬虛擬之辭今上紀吉甫出鎮而不指其由以誌闕疑

奏蠲逋租數百

萬築富人固本二塘溉田且萬頃又築平津堰會江淮

旱浙東西尤甚吉甫白以時救恤居三載每朝廷得失

輒以聞六年裴垕病免復以前官召還秉政入對延英  
五刻始罷帝尊任之官而不名吉甫疾吏員廣乃奏曰  
自秦至隋設官之多無如國家者天寶以後中原宿兵  
見在八十餘萬商賈僧道不服田畝者十有五六是常  
以三分勞筋苦骨之人奉七分坐待衣食之輩也今內  
外官以稅錢給俸者不下萬員天下或以一縣之地而  
為州一鄉之民而為縣者甚衆舊制一品月俸三千緡  
職田祿米不過千斛艱難以來增置使額厚給俸錢大

歷中權臣月俸至九千緡州無大小刺史皆千緡常袞  
為相始立限約李泌又量其閑劇隨事加增然有名存  
職廢或額去俸存請敕有司詳定省吏員併州縣減入  
仕之塗定俸給之數乃詔段平仲韋貫之許孟容李絳  
同詳定省併内外官八百八員諸司流外七百餘人  
本傳省官八百員吏千四百員今依通鑑綱目又奏收都畿佛祠田磴租入以  
寬貧民永昌公主薨有司請如德宗義陽故事起祠堂  
帝命減舊制之半吉甫曰德宗一切之恩不可為法昔

漢章帝欲起邑屋於親陵東平王蒼以為不可故非禮之舉人君所慎請裁置墓戶以充守奉帝曰吾固疑其冗減之今果然然不欲取編民以官戶奉墳而已吉甫再拜謝帝因言自今事有不安者第言之無謂朕不能行也十六宅諸王既不出閤諸女嫁不時選尚皆由中人厚為財謝乃得遣吉甫奏自古尚主必慎擇其人獨近世不然帝乃下詔皆封縣主令有司取門閥者配焉田季安疾甚吉甫請任薛平為義成節度使以重兵控

邢洛因圖上河北險要所在帝張於浴堂門壁每議河  
北事必指曰朕日按圖信如卿料矣劉潼軍屯普潤數  
暴掠吉甫奏還涇原畿民賴之八年回鶻引兵自西城  
柳谷侵吐蕃塞下傳言且入寇吉甫曰回鶻犯邊當先  
絕和親今不足虞也因請起夏州至天德復驛候十一  
區以通緩急發夏州精騎五百以護党項而已既而果  
邊吏妄言六胡州在靈武部中開元時廢之更置宥州  
以處降戶寓治經略軍實應以來因循遂廢吉甫請復

之以備回鶻撫党項乃復置宥州治經略軍取鄜城神策屯兵九千以實之又以江淮甲三十萬給太原澤潞軍增太原馬千匹由是戒備完輯自蜀平帝銳意欲取淮西方吉甫在淮南聞吳少陽立上下攜離自請徙壽州以天子命招懷之反間以撓其黨會朝廷方討王承宗未暇也後田弘正以魏歸吉甫知魏人謂田進誠才而唐州乃蔡瑑衿請拔進誠為刺史以臨賊境且慰魏心烏重胤守河陽吉甫以汝州扞蔽東都兵寡不足懾



寇河陽宿兵本以制魏人今弘正歸順則河陽為內鎮  
不宜屯重兵以示猜阻請徙屯汝州帝皆從之又元濟  
擅立吉甫以內地無屑齒援因時可取不當用河朔故  
事與帝意合又請自往招元濟苟逆志不悛得指授羣  
帥俘賊以獻帝不許固請至流涕慰勉之會暴疾卒年  
五十七帝震悼賻外別賜縑五百卹其家自大斂至卒  
哭皆中人臨弔吉甫圖淮西地未及上帝敕其子獻之  
及葬祭以少牢贈司空有司謚曰敬憲度支郎中張仲

方駿之帝怒貶仲方更賜謚曰忠懿吉甫初為相頗洽時情及再輔政天下想望風采而稍修怨人心疑憚之嘗討論易象異義附於一行集注之下及綴錄東漢魏周隋故事目為六代略凡三十卷分天下諸鎮紀具山川險易故事各寫其圖於篇首號元和郡國圖凡五十卷又錄當時戶賦兵籍號國計簿凡十卷纂六典諸職為百司舉要一卷皆奏上之子德修寶厯中為膳部員外郎出為舒湖楚三州刺史卒次子德裕自有傳

新接

書傳載裴均傾執政事與通鑑互異而後又云裴均左  
連皆出其謀則又與鑑合所稱引殆自代適相矛盾矣  
又通鑑稱李絳忠鯁而吉甫媚順如所云天下已太平  
陛下宜為樂及人臣不當彈諫使君悅臣安等語則天  
下想望風采者何在又田季安卒鑑稱吉甫請興兵而  
李絳力爭以為不必用兵憲宗竟用絳策則以重兵拉  
邢洺云云似未可信考異於裴均事謂係德裕秉政持  
先人之惡改定實錄故舊傳有此說然則史鑑互有異  
同恐本傳不無溢美今綜新舊二傳存其可  
據者而畧其不相合者以著闕疑之意云爾

李勉字玄卿鄭惠王元懿曾孫父擇言累為州刺史封

安德郡王以吏治稱張嘉貞為益州都督性簡貴接部  
刺史倨甚擇言守漢州獨引同榻坐講繹政事名重當

時勉少喜學沈雅清整始調開封尉汴州水陸都會俗  
厖錯號難治勉摧姦決隱為有名從肅宗於靈武擢監  
察御史時武臣崛興無法度大將管崇嗣背闕坐笑語  
譁縱勉劾不恭帝歎曰吾有勉乃知朝廷之尊遷司膳  
員外郎闕東獻俘百人將即死勉入見帝曰寇亂之汙  
半天下欲澡心自歸無繇如盡殺之是驅以助賊也帝  
馳騎完宥後歸者日至累為河東王思禮朔方河東都  
統李國貞行軍司馬進梁州刺史勉假王睥南鄭令睥

為權幸所誣詔誅之勉曰方籍牧宰為人父母豈以讒  
殺良吏乎即拘辟為請得免辟後以推擇為龍門令果  
有名羌渾奴刺寇州勉不能守召為大理少卿然天子  
素重其正擢太常少卿欲遂柄用而李輔國諷使下已  
勉不肯乃出為汾州刺史歷河南尹徙江西觀察使厲  
兵睦鄰平賊屯部人父病以蠶道理木偶署勉名掘治  
驗服勉曰是為其父則孝也縱不誅入為京兆尹兼御  
史大夫魚朝恩領國子監威寵震赫前尹黎幹諂事之

須其入敕吏治數百人具以餉至是吏請勉不從尋拜  
嶺南節度使番禺賊馮崇道桂州叛將朱濟時等負險  
為亂殘十餘州勉遣將李觀率容州刺史王翊討斬之  
五嶺平西南夷舶歲至纔四五譏視苛謹勉既廉潔又  
不暴征明年至者乃四千餘枕居官久未嘗杖飾器用  
車服後召歸至石門盡搜家人所蓄犀珍投江中時人  
謂可繼宋璟盧奐李朝隱部人叩闕請立碑頌德代宗  
許之進工部尚書封汧國公滑毫節度使令狐彰且死表

勉為代從之勉居鎮且八年以舊德方重不威而治諸  
帥暴桀者皆尊憚之田神玉死詔勉節度汴宋未行汴  
將李靈耀反魏將田悅以兵來叩汴而屯勉與李忠臣  
馬燧合討之淮西軍據汴北河陽軍壁其東大將杜如  
江尹伯良與悅戰匡城不勝徙壘與靈耀合忠臣將軍  
李重倩夜攻其營與河陽軍合譟賊不陣潰悅走河北  
靈耀奔韋城為如江所禽勉縛以獻斬關下既而忠臣  
專汴故勉還滑臺明年忠臣為麾下所逐復詔勉移治

汴德宗立就加同中書門下平章事俄為汴宋滑毫河陽等道都統建中四年李希烈圍襄城詔勉出兵救之帝又遣神策將劉德信以兵三千援接勉奏言賊以精兵攻襄城而許必虛令兵直擣許則襄圍解不待報使其將唐漢臣與德信襲許未至數十里有詔詰讓二將懼而還次扈澗不設備為賊所乘殺傷什五輜械盡亡漢臣走汴德信走汝勉懼東都危復遣兵四千往戍賊斷其後不得歸於是希烈自將攻勉勉氣索嬰守累月



援莫至裒兵萬人潰圍出東保睢陽興元元年勉固讓  
都統以檢校司徒平章事召既見帝素服待罪詔不許  
勉內愧取充位而已不敢有所與貞元初帝起盧杞為  
刺史袁高還詔不得下帝問勉曰衆謂盧杞姦邪朕顧  
不知謂何勉曰天下皆知而陛下獨不知此所以為姦  
邪也時躋其對然自是益見跼居相二歲辭位以太子  
太師罷卒年七十二贈太傅謚曰貞簡勉少貧客梁宋  
與諸生共逆旅諸生疾且死出白金曰左右無知者幸

君以此為我葬餘自取之勉許諾既葬密置餘金棺下  
後其家謁勉共啟墓出金付之位將相所得奉賜悉遺  
親黨身沒無贏藏其在朝廷鯁亮廉介為宗臣表禮賢  
下士有終始嘗引李巡張參在幕府後二人卒至宴飲  
仍設虛位沃饋之遣戍兵常視其資糧春秋存問家室  
故能得人死力善鼓琴有所自製天下寶之樂家傳響  
泉韻磬勉所愛者

李鄘字建侯江夏人北海太守邕之從孫大厯中第進

士又以書判高等補祕書省正字李懷光辟致幕府擢累監察御史懷光反鄜與母妻陷焉因紿懷光以兄病卧洛且草母欲往視懷光許可戒妻子無偕行鄜私遣之懷光怒欲加罪謝曰鄜籍在軍不得隨侍老母奈何不使婦往懷光止不問後與高郢密奏賊軍虛實及所以攻取者德宗手詔褒答懷光覺嚴兵召二人問之鄜詞氣不撓三軍為感動懷光不殺囚之河中平馬燧破械致禮表佐其府以言不用罷歸洛中嗣曹王皋奏蕪

殿中侍御史辟致裏州幕府入為吏部員外郎徐州張  
建封卒兵亂囚監軍迫建封子愔主軍務帝以鄜為宣  
慰使持節直入其軍大會士喻以禍福出監軍獄中使  
復其位衆不敢動愔即上表謝罪稱兵馬留後鄜曰非  
詔命安能輒稱之削去乃受既還稱旨遷郎中順宗時  
進御史中丞憲宗立為京兆尹進尚書右丞元和初京  
師多盜賊復拜京兆尋以檢校禮部尚書為鳳翔隴右  
節度使未幾移鎮太原入為刑部尚書諸道鹽鐵轉運

使拜淮南節度使王師討蔡方急李師道謀撓沮之鄜  
以兵二萬分壓鄆境貲餉不仰有司是時兵興天子憂  
財乏使程昇馳驛江淮諷諸道輸貨助軍鄜境內素富  
彊即籍府庫留一歲儲餘盡納於朝諸道由是悉索以  
獻先是吐突承瓘為監軍貴寵甚鄜亦剛嚴素著差相  
敬憚未嘗稍失承瓘歸數稱薦之召拜門下侍郎同中  
書門下平章事鄜不喜由宦倖進及出祖樂作泣下謂  
諸將曰吾老安外鎮宰相豈吾任乎至京師不肯視事

引疾固辭改戶部尚書俄檢校尚書左僕射兼太子賓客分司東都以太子少傅致仕卒贈太子太保謚曰肅  
鄺彊直無私與楊憑穆質許孟容王仲舒友善皆以氣  
自任而鄺當官以峭法操下所至稱治在淮南七年令  
行禁止其生殺擒擿一委軍吏而參佐束手不得與人  
往往陷非法物議以此少之子棡舊書  
作桂仕歷宗正卿京  
兆尹河東鳳翔節度使以秘書監卒

棡子礪字景望大中末擢進士累遷戶部郎中分司東

都劾奏內園使郝景全不法事景全摘礪奏犯順宗嫌  
名坐奪俸礪上疏辨之得不奪黃巢陷洛礪挾尚書八  
印走河陽時留守劉允章為賊脅遣人就礪索印拒不  
與允章悟亦不臣賊光啟中避亂淮南嗣襄王偽詔至  
苦諫高駢勿受不納王鐸鎮滑臺杖策詣之鐸表薦召  
入為中書舍人翰林學士乾寧元年進禮部尚書同中  
書門下平章事時宰臣崔昭緯素疾礪諷劉崇魯掠其  
麻哭之言礪懷姦不可相天子乃左授太子少傅礪自

言為宗魯誣汙書十一上不止議者議其非大臣體昭  
宗素所器遇決意復用在位數月又罷為太子少師於  
是李茂貞王行瑜韓建擁兵闕下列磔罪殺之於都亭  
驛行瑜誅詔復官爵贈司徒謚曰文礪好學聚書至萬  
卷世號李書樓所著文章及註解諸書傳甚多子沆字  
東濟有俊才亦遇害贈禮部員外郎

崔從字子乂國子司業融曾孫也少孤貧與兄能偕隱  
太原山中會歲饑拾橡實以飯講學不廢擢進士第辟



山南嚴震府為推官以母喪免兄弟廬墓喪闋不應辟  
命久之韋臯引為西山運務使權知邛州事前刺史有  
以盜繫獄辭已具從疑其寃縱不治俄得真盜臯卒劉  
闢反欲并東川從以書諭止闢闢怒攻之從乃募兵嬰  
城守高崇文平闢從完州自如廬坦表為宣州副使入  
為殿中侍御史遷吏部員外郎異時吏給選者成牒以  
先後丐賕從一限出之後遂為法裴度為御史中丞奏  
以右司郎中知雜事度已相代為中丞彈治不屈權幸

事繫臺閣而付伏內者必抗章論列請還有司薦引御史務取質重廉退者李儵以寵得京兆尹為莊憲太后山陵橋道使務以減末徭費為功至不治道輜車留渭橋久不得進從三劾之無少貸俄授陝虢觀察使遷尚書右丞王承宗請割德棣而遣子入侍也憲宗選堪使者以命從議者謂承宗狠譎非單使可屈從次魏田弘正請以五百騎從辭之惟童騎十數疾趨鎮集軍士毳場宣詔為陳逆順大節禍福之効音辭暢厲士感動承

宗自失貌愈恭至泣下即按二州戶口符印上之還為  
山南西道節度使帝欲遂相之監軍使揣知為用事者  
求金從不肯答用是不得相長慶初繇尚書左丞領鄜  
坊節度屬部多神策屯軍數亂法驕橫吏不能制從一  
繩以法下皆重足畏之党項互市羊馬類先遣帥守從  
獨不取而厚慰待之羌不敢盜境實厯初為東都留守  
故事留司官入宮城門列晨衙見留守吏誕傲久廢至  
是復行召拜戶部尚書宰相李宗閔以從為裴度李德

裕所善內不喜從求致仕除太子賓客分司東都告滿  
百日去於是衆譁語不平宗閔懼復授檢校尚書左僕  
射淮南節度副大使知節度事楊州凡交易貲產奴婢  
有貫率錢畜羊有口算又買麴牟其羸以佐用度從皆  
蠲除之官吏俸帛常加倍以給獨節度使則否從皆與  
之同大和六年卒年七十二下有剗股肉以祭者贈司  
空謚曰貞從為人嚴偉立朝稜稜有風望不喜交權利  
忠厚而讓階品當立門戟終不請位方鎮內無聲妓娛

玩士大夫賢之

能字子才渾減以朔方軍討朱泚引佐幕府累遷黔中  
觀察使以讒坐貶從為中丞奏以自代繇將作監授嶺  
南節度使卒贈禮部尚書從子慎由安潛能子彥曾自  
有傳

欽定續通志卷二百四十五

欽定四庫全書

欽定續通志卷二百四十六

列傳

唐 四十六

王思禮

魯炅

王難得

子顏用

辛雲京

京杲

馮河清

李芑

李叔明

昇

曲環

王虔休

盧羣

李元素

盧士玫

王思禮高麗人入居營州父為朔方軍將思禮習戰鬪  
從王忠嗣至河西與哥舒翰同為押衙及翰為隴右節  
度使思禮與中郎將周泌為翰押衙以功授右衛將軍  
闕西兵馬使從討九曲後期當斬臨刑翰釋之思禮徐  
曰死固分也何復貸為諸將壯之俄加金城郡太守安  
祿山反翰為元帥奏思禮兼太常卿充元帥府馬軍都  
將委以軍事潼關失守思禮走行在肅宗責不堅守引  
至纛下將斬之宰相房琯諫以為可收後效遂赦之尋



副房琯戰便橋不利更為關內行營節度河西隴右伊  
西行營兵馬使守武功賊安守忠來戰思禮退保扶風  
長安平思禮先入清宮收東京戰數有功遷兵部尚書  
封霍國公食實戶五百尋兼潞沁等州節度乾元元年  
總關中潞州行營兵三萬騎八千與子儀圍賊相州軍  
潰惟思禮與李光弼兩軍獨全尋破史思明別將萬餘  
衆於直千嶺光弼徙河陽代為河東節度副大使上元  
元年加司空自武德以來三公不居宰輔唯思禮而已

二年薨贈太尉謚曰武烈思禮善守計短攻戰然持法

嚴整士不敢犯在太原器甲完精儲粟至百萬斛云

思禮

在太原儲厰盈衍請輸半

以實京師事見鄧景山傳

魯炆幽州薊人長七尺餘畧通書史以蔭補左羽林長

上隴右節度使哥舒翰引為別奏從破石堡城收河曲

遷左武衛將軍後復以破吐蕃跳蕩功除右領軍大將

軍安祿山反拜上洛太守將行於帝前畫攻守勢遷南

陽太守兼守捉防禦使封金鄉公尋為山南節度使以

嶺南黔中山南東道子弟五萬屯涇水南賊將武令珣  
畢思琛等擊之衆欲戰旻不可賊右趨乘風縱火鬱氣  
奔營旻與中人薛道挺身走舉衆沒賊收散兵保南陽  
潼關失守賊使哥舒翰招下不從使武令珣攻之令珣  
死田承嗣繼往潁川來瑱襄陽魏仲犀合兵援旻旻城  
中食盡餓者相枕藉朝廷遣中使者曹日昇宣慰加旻  
特進太僕卿不得入日昇以十騎馳入城致命復以騎  
趨襄陽領兵千由音聲道運糧餉旻故旻得與賊相持

踰三月昊被圍凡一年晝夜戰人相食卒無救至德二載五月乃率衆突圍走襄陽承嗣尾擊昊殊死戰二日斬獲甚衆賊引去俄拜御史大夫襄鄧十州節度使會二京平賊走河北時襄漢數百里鄉聚蕩然舉無樵烟初賊欲剽亂江湖賴昊適扼其衝故南夏以完策勲封岐國公實封二百戶乾元元年又加淮西節度鄧州刺史與九節度圍安慶緒於相州昊領淮西襄陽兩鎮步卒萬人騎三百明年與史思明戰安陽王師不利昊中

流矢輒奔諸節度潰去所過剽奪而吳軍尤甚有詔來  
瑱節度淮西徙吳鄭陳亳節度使至新鄭聞郭子儀整  
軍屯穀水李光弼還太原吳羞懦仰藥死年五十七

王難得忻州臨沂人父思敬少隸軍試太子賓客難得  
健武工騎射天寶初為河源軍使吐蕃贊普子郎支都  
者恃趨敏乘名馬寶鈿鞍畧陣挑戰甚閑暇難得怒挾  
矛馳馬直斬其首玄宗壯其果召見令殿前作刺賊狀  
大悅賜錦袍金帶累授金吾將軍從哥舒翰擊吐蕃至

積石虜吐谷渾王子悉昇參及悉頰藏而還復收五橋  
拔樹惇城進白水軍使收九曲加特進肅宗在靈武軍  
賞之難得上家貲助軍試衛尉卿俄領興平軍及鳳翔  
兵馬使收京師方戰麾下士失馬難得馳救矢著眉披  
膚郭目乃拔箭斷膚殊死前鬪血濺不已帝嘉之從郭  
子儀攻相州累封琅邪郡公為英武軍使寶應二年卒  
贈潞州大都督

子子顏少從父征討檢校衛尉卿生莊憲太后元和元

年憲宗朝南宮乃褒贈思敬為司徒難得太尉子顏太師唯子顏子用及封

用字師柔拜太子詹事纔三月封太原郡公掌殿苑累遷檢校左散騎常侍兼右金吾大將軍謙畏無過卒贈工部尚書

辛雲京蘭州金城人客籍京兆世為將家雲京有膽決常冠軍積功遷特進太常卿史思明屯相州雲京以銳兵四千襲滏陽追破其衆至浪井授開府儀同三司加

代州都督鎮北兵馬使太原軍亂帝惡鄧景山繩下無

漸以雲京性沈毅因授太原尹進封金城郡王

按肅宗紀竇應

元年建卯月癸丑河東軍亂殺其節度鄧景山都知兵

馬使辛雲京自稱節度使又鄧景山傳云景山遇害肅

宗不復究驗遣使喻撫其軍軍中請雲京為節度使詔

可據此蓋雲京自立之後以軍中之情請諸朝非帝特

授也本

傳恐誤

雲京治謹於法軍中畏而信之回紇恃舊勲每

入朝所在暴鈔至太原不敢惕息數年太原大治加檢

校尚書右僕射同中書門下平章事大歷三年檢校左

僕射卒年五十五代宗為發哀流涕贈太尉諡曰忠獻



從弟京杲信安王禕節度朔方京杲與弟旻以策干說  
禕後從李光弼出井陘先驅戰嘉山尤力累遷鴻臚卿  
召為英武軍使代宗立封庸國公遷左金吾衛大將軍

進晉昌郡王歷湖南觀察使

按京杲為湖南觀察使貪虐使部將王國良戍武昌

賴其富即勅以死國良恐據縣反事見嗣曹王皋及西  
原蠻傳又嘗私怒部曲殺之有司劾當死賴李忠臣救  
得釋事見李忠臣傳後為工部尚書致仕朱泚盜京師  
而京杲未傳俱不載

以老病不能從西嚮慟而卒贈太子少保旻亦從光弼  
定恒趙後署太原三城使史思明屯相軍及滏陽旻逆

擊走之東都陷退守河陽卒於屯雲京曾孫謹別傳

馮河清京兆人始隸郭子儀軍以戰多拜左衛大將軍  
後從涇原節度使馬璘充兵馬使數以偏師與吐蕃遇  
建中時節度使姚令言率兵討闕東以河清知留後幕  
府殿中侍御史姚況領州而行師過闕有急變德宗走  
奉天河清沉聞問召諸將計事東向哭相勵以忠發儲  
鎧完仗百餘乘獻行在初帝之出六軍倉卒無良兵士  
氣沮及河清輸械至被堅勦兵軍聲大振即拜河清涇

原節度使安定郡王況行軍司馬朱泚數遣謀人誅之  
河清輒斬以徇興元元年渾瑊以吐蕃兵敗賊韓旻等  
涇人妄傳吐蕃有功將以叛卒拏與貲歸之衆大恐且  
言不殺馮公吾等無類矣田希鑒遂害河清況挺身還  
鄉里京師平贈河清尚書左僕射拜況太子中舍人況  
性簡退未嘗言功屬歲凶奉稍不自給以饑死河清再  
贈太子少傅

李芑字茂初趙州人解褐上邽主簿嚴武為京兆尹薦

補長安尉李勉觀察江西表署判官永泰初宣饒劇賊方清陳莊西絕江劫商旅支黨槃結苑請以秋浦置州扼使不得合勉奏以宣之秋浦青陽饒之至德置池州即詔苑行州事魏少游代勉表署都團練副使攝江州刺史勉節度永平復辟幕府會李靈耀反署苑兼亳州防禦使護陳潁饒道德宗立授河陽三城鎮遏使未幾拜節度使以東畿汜水等五縣隸屬與馬燧等破田悅洹水上以功檢校兵部尚書實封百戶進團悅悅將符

璘以騎五百降興元初檢校尚書右僕射以疾將請老  
謂所親曰歲方旱蝗上厭征伐天下城壘堅戈鋌利然  
務以力勝其可盡乎救敝者莫若德方鎮之臣宜先退  
讓死權錮祿吾敢哉言而不踐非吾志也固求罷歸東  
都卒年六十四贈太子太保

李叔明字晉閬州新政人本鮮于氏仲通之弟也擢明  
經為楊國忠劔南判官乾元中除司勳員外郎副漢中  
王瑤使回紇回紇遇瑤慢叔明讓之可汗為加禮復命

遷司門郎中東都平拜洛陽令招徠遺民號能吏擢商  
州刺史上津轉運使遷京兆尹民歌其德久之以疾辭  
除太子右庶子崔旰擾成都出為邛州刺史旰入朝即  
拜東川節度使遂州刺史徙治梓州大厯末表乞宗姓  
列屬籍代宗從之建中初吐蕃襲大井掠龍州陷扶文  
遠三州叔明分五將邀擊走之加檢校戶部尚書梁崇  
義阻命詔引兵下峽戰荆門敗其衆襄州平遷檢校尚  
書左僕射德宗幸興元出家貲助軍悉衣幣獻宮掖加

太子太傅封薊國公初東川承兵盜鄉邑彫破叔明治之二十年撫接有方華裔遂安後朝京師以病足賜錦輦令宦士肩舁以見拜尚書右僕射乞骸骨改太子太傅致仕貞元三年卒謚曰襄叔明素惡道佛之弊上言請本道定寺為三等觀為二等上寺留僧二十一上觀道士十四每等降殺以七皆擇有行者餘還為民德宗善之以為不止本道可行下尚書省雜議都官員外郎彭偃請僧道士年未滿五十歲輸絹四尼及女冠輸絹

二雜役與民同之過五十者免刑部員外郎裴伯請僧道士一切限年六十四以上尼女冠四十九以上許在道餘悉還為編民官為計口授施收廢寺觀以為廬舍議雖上罷之

子昇

通鑑作昇

以少卿從德宗梁州叔明嚴敕以死報故昇

有功擢禁軍將軍貞元初遷太子詹事坐部國公主貶

羅州別駕叔明素豪侈在蜀殖財廣第舍田產歿數年

子孫驕縱貲產皆盡世言多藏者以叔明為鑒云



曲環陝州安邑人客隴右少喜兵法資勇敢善騎射天寶中從哥舒翰討吐蕃拔石堡取黃河九曲洪濟等城授果毅別將安祿山反從魯炆守鄧州與賊武令珣戰尤力加左清道率從李抱玉屯河陽又自將兵守澤州破賊銳將安曉拜羽林將軍與諸將討史朝義平河北累轉金吾大將軍大厯中戍隴州數破吐蕃以功兼太常卿德宗初吐蕃寇劍南詔環以邠隴兵五千馳救收七盤城威武軍維茂等州吐蕃破走威名大振加太子

賓客賜名馬豫討涇州劉文喜遷開府儀同三司封晉  
昌郡王邠隴兵馬使時李納逼徐州環與劉元佐救之  
敗其衆功最建中三年擢邠隴行營節度使李希烈陷  
汴州環守寧陵戰陳州斬賊三萬五千級禽其將翟崇  
暉進檢校工部尚書兼陳州刺史希烈平改陳許節度  
賜封三百戶二州比為寇衝民苦剽鹵客他縣環勤身  
節用寬賦斂簡條教不三歲歸者襁係訓農治兵穀食  
豐衍轉檢校尚書左僕射貞元十五年卒年七十四贈

司空

王虔休字君佐汝州梁人少涉學有材武以信義為鄉黨畏慕大厯中刺史李深署為裨將澤潞李抱真聞其名厚以幣招之授兵馬使抱真討河北戰雙岡臨洛虔休以多擢步軍都虞候封同昌郡王實封五千戶抱真卒一軍思亂虔休折其邪謀衆服其言得不亂德宗嘉之以邕王為昭義節度大使擢虔休潞州左司馬領留後本名延賞至是賜名號令撫循軍中大治初抱真之

喪軍司馬元誼據洺州叛虔休遣將李廷芝討之誼出奔魏治潞二歲遷昭義節度使檢校工部尚書始屬城州縣守宰多署他職不親政故治苟簡虔休恣增俸廩遣就部人以安安卒年六十二贈尚書左僕射謚曰敬盧羣字載初系出范陽少學於垂山淮南陳少游聞其名奏署幕府已而薦諸朝李希烈反以監察御史為江西行營糧料使嗣曹王臯節度江西奏為判官臯徙荆襄皆從其府以勦正聞入為侍御史累遷兵部郎中淮

西吳少誠擅決司洧水溉田使者止之不奉詔命羣臨詰少誠曰是於人有利羣曰臣道貴順恭恪所以為順也專命廢順雖利何有且急於事上者固不能責其下矣少誠聽命羣又為陳古今成敗事少誠竦然以奉使稱旨遷檢校祕書監鄭滑節度行軍司馬姚南仲入朝即以羣代節度卒年五十九贈工部尚書

李元素字太朴邢國公密裔孫仕為御史東都留守杜亞惡大將令狐運會盜劫輸絹於洛北運適與其下畋

近郊亞疑而訊之掠服死者甚衆詔監察御史楊寧覆  
驗事皆不讐亞怒劾寧罔上寧抵罪宰相以獄大宜審  
奏請覆之詔元素與刑部員外郎崔從質大理司直盧  
士瞻馳按亞以獄成告元素徐察其寃悉縱所囚以還  
亞復劾元素比元素還帝已怒奏獄未畢帝曰出元素  
曰臣言有所未盡帝曰第去元素曰臣以御史按獄知  
寃不得盡辭是無容復見陛下帝意解即道運寃狀帝  
感悟後歲餘齊抗得真盜繇是天下重之遷給事中會

鄭滑節度使盧羣卒拜元素檢校工部尚書節度其軍  
治有異績元和初召為御史大夫中外企聽風采既而  
一不建為人人失望李錡反拜浙西節度使數月還為  
國子祭酒進戶部尚書判度支元素少孤奉長姊謹悌  
及沒悲鯁成疾固辭職屏居再娶妻王氏方慶之孫性  
柔弱元素為郎官時甚禮重及貴溺情姬侍遂不見答  
且又無子而前妻之子已長無良及寢疾昏惑聽譖出  
之王訴諸朝詔免元素官且令畀王貲五百萬卒贈陝

州大都督

盧士攻者山東人以文儒進端厚無競為吏部員外郎  
善於職再遷知京兆尹劉聰入朝與士攻故內姻乃請  
析瀛鄭兩州用士攻為觀察使詔可俄而幽州亂朱克  
融襲之朝廷欲重其任就加節度使士攻空家資助軍  
然部卒多家幽州陰導克融入故士攻闔府皆見囚幽  
州及雪克融始得還以太子賓客分司東都除虢州刺  
史復為賓客卒贈工部尚書



欽定四庫全書

欽定續通志

欽定續通志卷二百四十六

欽定四庫全書

史部

欽定續通志卷二百

四十七至  
五十

中書臣李采覆勘

總校官原任侍講臣王燕緒

欽定四庫全書

欽定續通志卷五十四

列傳

唐

四庫全書

令狐彰

張孝忠

茂宗

茂和

康日知

李洧

劉灘

田弘正

王承元

牛元翼

史孝章

令狐彰字伯陽京兆富平人志膽沉果知書傳大義射  
命中從安祿山天寶中署左衛郎將祿山叛與張通儒  
入長安偽署左街使二京平走河朔史思明署博滑二  
州刺史屯滑臺既而反正因監軍楊萬定以聞自祿山  
構逆未有舉州向化者肅宗大悅拜滑毫魏博節度使  
河朔平加兼御史大夫封霍國公檢校尚書右僕射始  
滑當寇衝城邑墟榛彰躬訓吏下檢軍力農遣士防秋  
自齎糧所過無秋毫犯然猜阻忤忍忤者輒死與魚朝

恩有隙及用事彰不敢入朝會母喪失明卒方疾甚敕子建通運歸東都私第悉上軍府兵仗財用簿最表吏部尚書劉晏工部尚書李勉堪大事請以自代代宗得表咨悼下詔褒美其門閭贈太傅

建累官右龍武軍使德宗幸奉天建方肄射遂以四百人殿擢行在中軍鼓角使左神武軍大將軍其妻成德節度使李寶臣女也建將棄之誣與門下客郭士倫通榜殺士倫而逐其妻寶臣請劾案無狀建會赦免俄起

為右領軍大將軍復坐專殺以勲貸坐妄自陳貶施州別駕卒贈右領軍大將軍又加贈揚州大都督憲宗時討蔡用李吉甫言以彰前遣子受代授建弟通贊善大夫連徙壽州團練使以昭彰之忠且風蔡通懼賊不敢戰貶昭州司戶參軍事終左衛大將軍運為東都留守將為杜亞所陷流死歸州

張孝忠本奚種世為乙失活酋長父謚納欵授鴻臚卿孝忠以勇聞燕趙間性寬裕事親孝天寶末以善射供

奉仗內安祿山奏為偏將破九姓突厥以功擢漳源府  
折衝安史再陷河洛常為賊前鋒朝義敗乃自歸授左  
領軍將軍以兵屬李寶臣累加左金吾衛將軍寶臣待  
之厚奏為易州刺史分精騎七千當幽州擢太子賓客  
封符陽郡王寶臣晚節稍忌刻名欲殺之孝忠不往會  
病死子惟岳擅立詔朱滔以幽州兵討之滔忌孝忠善  
戰慮師出為已患使判官蔡雄說以順逆孝忠即遣將  
程華報滔連和遣錄事參軍事董稹入朝德宗嘉之擢



檢校工部尚書成德軍節度使令與滔并力敗惟岳于東鹿滔欲乘勝襲恒州孝忠乃引軍西北壁義豐滔疑之孝忠將佐諫曰尚書推赤心于朱司徒可謂至矣今逆賊已潰元功不終後且悔之孝忠曰本求破賊賊已破矣而恒州多宿將迫之則死鬪緩之則改圖且滔言大而識淺可以慮始難與守成故吾堅壁于此以待賊之滅耳滔亦止屯東鹿月餘王武俊果斬惟岳以獻已而定州刺史楊政義以州降孝忠遂有易定時三分成

德地詔定州置軍名義武以孝忠為節度易定滄等州  
觀察使後滔與武俊叛復遣蔡雄說之答曰吾業已效  
忠不復助惡矣乃浚溝壘修器械厲士秉城固守滔悉  
兵攻之帝詔李晟竇文場率師援孝忠滔解去孝忠因  
與晟結婚天子出奉天孝忠遣將赴難佐晟收京師興  
元初詔同中書門下平章事貞元二年河北蝗民餓死  
如積孝忠與其下同粗淡日膳裁豆醕而已人服其儉  
推為賢將明年檢校司空詔其子茂宗尚義章公主卒

年六十二追封上谷郡王贈太師諡曰貞武子茂昭茂

宗茂和

茂宗擢累光祿少卿左衛將軍元和中歷開府使寶曆  
初遷充海節度使終左龍武統軍

茂和歷左武衛將軍裴度討蔡奏為都押衙茂和數以  
膽勇求自試謂度無功辭不行度請斬之以令軍憲宗  
曰予以其家忠且孝為卿遠斥後終諸衛將軍

茂昭本名昇雲德宗時賜令名字豐明少沉毅頗通書

傳孝忠時累擢檢校工部尚書孝忠卒帝拜邕王諒為義武軍節度大使以茂昭為留後封延德郡王後二年為節度使久之入朝為帝從容言河朔事帝竦聽曰恨見卿晚召宴麟德殿賜良馬甲第器幣優具詔其子克禮尚晉康郡主帝方倚之經置北方會崩故茂昭每入臨輒哀不自勝順宗立進同中書門下平章事復遣之鎮憲宗元和二年請朝五奏乃聽願留不許加兼太子太保既還王承宗叛詔河東河中振武義武合軍為恒

州北道招討茂昭治廩廩列亭候平易道路以待西平  
軍承宗以騎二萬踰木刀溝薄王師茂昭躬擐甲為前  
鋒令其子克讓從子克儉與諸軍分左右翼繞賊大敗  
之會有詔班師加檢校太尉兼太子太傅乃請舉宗還  
朝表數上帝乃許北鎮遣客間說皆不納詔左庶子任  
迪簡為行軍司馬乘驛往代茂昭奉兩州符節管鑰圖  
籍歸之先敕妻子上道戒曰吾使而曹出易庶後世不  
為汙俗所染未半道迎拜兼中書令充河中晉絳慈隰

節度使至京師雙日開延英對五刻罷又表遷墳墓于京兆許之明年疽發于首卒年五十冊贈太師諡曰獻武

陳楚者茂昭甥也字材卿定州人有武幹事茂昭歷牙將常統精卒從征伐茂昭入朝擢諸衛大將軍封晉寧郡王元和末義武節度使渾鎬喪師定州亂拜楚節度使馳傳赴軍及郊無迎者左右勸無入楚曰定軍不來迎以試我今不入正隨計中乃冒雪行四十里夜入其

州衆心乃定徙河陽三城入為左羽林統軍檢校司空  
卒年六十一贈司空子君奕亦至鳳翔節度使

康日知靈州人少事李惟岳擢累趙州刺史惟岳叛日  
知與別駕李濯及部將百人啐牲血共盟固州自歸惟  
岳怒遣先鋒兵馬使王武俊攻之日知使客謝武俊陳  
順逆形勢勸自拔武俊悟引兵還斬惟岳以獻德宗美  
其謀擢為深趙觀察使賜實封戶二百會武俊拒命遣  
將張鍾葵攻趙州日知破之上俘京師興元元年以深

趙益成德徙日知奉誠軍節度使又徙晉絳加累檢校尚書左僕射封會稽郡王貞元初卒贈太子太師

子志睦字得衆資趨偉工馳射隸右神策軍遷累大將軍討張韶以多蕪御史大夫進平盧軍節度使李同捷反畧千東志睦挫其銳遂下蒲臺盡奪其械加檢校尚書左僕射徙涇原封會稽郡公卒年五十七贈司空

子承訓字敬辭推門功進累左神武軍將軍宣宗擢為天德軍防禦使軍中服其威政詔檢校工部尚書封會



稽縣男擢義武節度會南詔破安南詔徙嶺南西道城  
邕州合容管經畧使隸之遂統諸軍行營兵馬南詔深  
入承訓分兵六道出戰不利士死十八唯天平卒二千  
還屯闔軍震副使李行素帥衆治濠柵甫畢南詔圍之  
四日或請夜出兵襲蠻承訓意索不聽天平裨將陰募  
勇兒三百夜縋燒蠻屯斬首五百

按通鑑諸將請分道  
所襲承訓不許有天

平小校再三  
力爭乃許之

南詔恐明日解而去承訓謬言大破賊告

于朝加檢校尚書右僕射籍子弟嫺昵冒賞而士不及

怨言囁流

謹按通鑑輯覽

御批承訓先事無料敵之智臨事無應變之才賴天平小校力爭出奇致勝顧冒功掠美親暱皆濫膺爵賞而首席轉不晉一階其何以使軍士奮勇效命然彼時懿宗獨何為者哉

嶺南東道節度使韋宙白

宰相承訓慙移疾授右武衛大將軍分司東都咸通中

南詔復盜邊武寧戍兵作亂推糧料判官龐勛為長還

陷徐州乃拜承訓檢校尚書右僕射義成軍節度使徐

泗行營都招討使率魏博鄆延義武鳳翔沙陀吐渾兵

一十萬討之凡一年勛平

按彭門之亂為唐季大事宿兵年餘僅乃授首王仙芝黃

業即繼之以起唐書不傳龐勛而附見于承訓傳內事  
點文繁不分客主猝難尋究今別于叛臣內為勛專傳  
採承訓傳及通承訓遷檢校左僕射同中書門下平章  
事徙節度河東于是宰相路巖韋保衡劾承訓討賊逗撓  
貪虜獲不時上功貶蜀王傳分司東都再貶恩州司  
馬傳宗立授左千牛衛大將軍卒年六十六子傳業嘗  
從父征伐終郾坊節度使

李洧者淄青節度使正已從父兄也始署徐州刺史建  
中初正已卒子納叛攻宋州滑挈州自歸加兼御史大

夫封潮陽郡王實封戶二百充招諭使初洧遣巡官崔程入朝且白宰相徐州不足獨抗賊得海沂為節度可與成功洧素與二州刺史有約且不肯為賊守程先咨張鑑而盧杞怒不先白故中格及納攻徐劉玄佐與諸將擊退之既賊方張乃加洧徐海沂密觀察使時海密為賊守不受命洧未有以取之遷檢校戶部尚書會疽發背少間肩輿過市市人叫歡洧驚疽潰卒贈尚書左僕射以洧將高承宗代之其弟淡險人也恥居下陰約

納攻徐為內應并說滕將翟濟濟執以聞擢濟沂州刺史召淡入京師以洎赦不罪

劉灘盧龍節度使怵之次子濟母弟也涉書史有材武好施愛士能得人死力始事朱滔常陳君臣大義裁抑其凶及怵得幽州不三月病且死灘侍湯液未嘗離以父命召濟于莫州濟嗣總軍事故德灘之讓以為瀛州刺史許代已久之濟自用其子為副大使灘因請以所部為天子戍隴悉發其兵千五百馳歸京師無一卒敢

違令者

德宗紀貞元八年十一月幽州盧龍軍節度使劉濟及其弟瀛州刺史瀛戰于瀛州瀛敗奔于

京師吳鎮曰與本傳全異未知孰是

德宗甚寵之拜秦州刺史屯普潤軍

中不設音樂士卒病親存問所欲死則哭之憲宗立方  
士羅令則詣瀛營妄言廢立瀛械送闕下殺之錄功號  
其軍曰保義蕃戎畏懾不敢入寇常愾然有復河湟志  
屢為朝廷言未見省封累彭城郡公及病籍士馬求代  
既還卒于道年四十九贈尚書右僕射諡曰景

田弘正字安道父廷玠尚儒學不樂軍旅與承嗣為從

昆弟仕為平舒丞遷樂壽清池東城河間四縣令以治  
稱遷滄州刺史李寶臣朱滔與承嗣不協合兵圍滄州  
廷玠固守連年食盡無叛者朝廷嘉其節徙相州承嗣  
盜磁相廷玠無所回染及悅代立忌廷玠之正名為節  
度副使廷玠至稱疾不出悅過謝之杜門不納憤而卒  
弘正幼通兵法善騎射承嗣愛之以為必興吾宗名之  
曰興季安時為衙內兵馬使同節度副使封沂國公後  
忌其正出為臨清鎮將欲因罪誅之弘正陽痺痼臥家

不出乃免季安死子懷諫襲召還舊職懷諫委政于家  
奴蔣士則措置不平衆怒咸曰兵馬使吾帥也牙兵即  
詣其家迎之弘正拒不納衆譁于門弘正出衆拜之脅  
還府弘正頓于地度不免即令于軍曰爾屬不以吾不  
肖使主軍今與公等約能聽命否皆曰唯公命因曰吾  
欲守天子法舉六州版籍請吏于朝苟天子未命敢有  
請吾旗節者死殺掠人者死皆曰諾遂到府殺士則及  
支黨十餘人于是圖魏博相衛貝瀆之地籍其人以獻



不敢署僚屬而待王官憲宗美其誠詔檢校工部尚書  
充魏博節度使又遣司封郎中知制誥裴度宣慰度明  
辯具陳朝廷厚意弘正不覺自失乃深相結納奉上益  
謹復請度徧行其部宣示天子恩詔因令節度僉謀布  
衣崔歡奉表陳謝且言欲變山東承襲舊風然後退歸  
邱園避賢者路死不恨制詔褒答且賜今名天子討蔡  
弘正遣子布以兵三千進戰數有功李師道疑其襲已  
不敢顯助蔡故元濟失援王師得致誅焉王承宗叛詔

弘正以全師壓境破其衆南宮承宗懼歸窮于弘正弘  
正表諸朝遂獻德棣二州以謝納二子為質俄而李師  
道拒命詔弘正與宣武等五節度兵進討弘正自楊劉  
度河距鄆四十里堅壁師道大將劉悟率精兵屯河東  
戰陽穀再遇再北斬萬餘級賊勢蹙悟乃反兵斬師道  
首詣弘正降取十有二州以獻以功加弘正檢校司徒  
同中書門下平章事是歲來朝對麟德殿眷勞殊等引  
見僚佐將校二百餘人皆有班賜進兼侍中實封戶三

百擢其兄融為太子賓客東都留司弘正數上表固請  
留闕下帝不許遂還悉遣子姓仕朝廷帝皆擢任之穆  
宗立王承元以成德軍請帥帝詔弘正兼中書令為節  
度使弘正以新與鎮人戰有父兄怨取魏兵二千自衛  
入其軍時天子賜錢一百萬緡不時至軍有怨言弘正  
親加撫諭乃安仍請留魏兵為紀綱以持衆心度支崔  
俊各其稟沮卻之長慶元年七月歸衛兵于魏是月軍  
亂并家屬將吏三百餘人皆遇害年五十八帝聞震悼

冊贈太尉諡曰忠愍子布羣牟

布字敷禮幼機悟弘正戍臨清布知季安且危密白父  
請以衆歸朝弘正奇之及得魏使布總親兵王師誅蔡  
以軍隸嚴綬屯唐州凡十八戰破凌雲柵下郾城以功  
授御史中丞蔡平入為左金吾衛將軍諫官嘗論事帝  
前同列將麾卻之布止曰使天子容直臣毋輕進弘正  
徙成德以布為河陽節度使父子同日受命布所至必  
省冗將募戰卒寬賦勸穡人皆安之長慶初徙涇原弘

正遇害魏博節度使李愬病不能軍公卿議以魏彊而鎮弱且魏人素德弘正以布之賢而世其官可以成功穆宗遽召布解纁拜檢校工部尚書魏博節度使兼傳以行布號泣固辭不聽乃出伎樂與妻子賓客決曰吾不還矣未至魏三十里跣行披髮號哭而入居堊室屏節旄凡將士老者兄事之祿奉月百萬一不入私門又發家錢十餘萬緡頒士卒以牙將史憲誠出麾下可任乃委以精銳時衆人屢趣戰而度支饋餉不繼布輒以

六州租賦給軍引兵三萬進屯南宮破賊二壘于是朱克融據幽州與王廷湊脣齒河朔三鎮舊連衡桀驁自私而憲誠蓄異志陰欲乘釁又魏軍驕憚格戰會大雪師寒糧乏軍中謗沸憲誠得間因以搖亂會有詔分布軍合李光顏救深州兵怒不肯東衆遂潰皆歸憲誠唯中軍不動布以中軍還魏明日會諸將議事衆譁曰公能行河朔舊事則生死從公不然不可以戰布度衆且亂歎曰功無成矣即為書謝帝曰臣觀衆意終且負國

臣無功不敢忘死哭授其從事李石訖乃入至几筵引刀刺心曰上以謝君父下以示三軍言訖而絕年三十八贈尚書右僕射諡曰孝子鐵在宥鐵宣宗時歷銀州刺史坐以私鎧易邊馬論死宰相崔鉉奏布死節可貸鐵以勸忠烈故貶為州司馬在宥大中年為安南都護頗立邊功

羣會昌中歷蔡州刺史坐賊且抵死兄肇聞之不食卒宰相李德裕奏漢河間人尹次潁川人史玉坐殺人當

死次兄初玉母渾詣官請代因縊于時皆赦其死於是武宗詔減死一等

牟寬厚明吏治為神策大將軍開成初鹽州刺史王宰失羌人和詔牟代之累遷鄜坊節度使再徙天平三為武寧一為靈武軍至檢校尚書左僕射卒諸子皆有方面功以忠義為當世所高

王承元者承宗弟也有沈謀年十六勸承宗亟引兵共討李師道承宗少之不用然軍中往往指目之承宗死



未發喪大將謀取帥他姓參謀崔燧與諸校計以祖妣涼國夫人李氏命承元嗣承元泣拜不受諸將牢請承元曰帝使中貴人監軍盍先請監軍至又如命乃謝曰諸君不忘王氏以及孺子苟有令其從我乎衆曰惟所命遂于衙門都將所視事約左右不得稱留後事一關參佐密表請帥于朝穆宗詔起居舍人柏耆宣慰授承元檢校工部尚書義成軍節度使北鎮以兩河故事脅誘承元不納諸將皆悔耆至士哭于軍承元令曰諸君

不欲我去意固善雖然格天子詔我獲罪奈何前李師  
道有詔赦死欲舉族西諸將止弗遣他日乃共殺之今  
君等幸置我無與師道比乃徧拜諸將諸將語塞承元  
即出家貲盡賜之斬不從命者十輩軍乃定入朝昆弟  
拜刺史者四人位于朝者四十人祖奴入見帝命中宮  
禮賚異等徙承元廊坊丹延節度俄徙鳳翔鳳翔右裒  
涇原地平少巖險吐蕃數入盜承元據勝地爲鄣置守  
兵千詔號臨汧城以勞封岐國公五年徙節平盧淄青

始鹽禁未嘗行兩河承元請歸有司由是兗鄆諸鎮皆奉法承元資仁裕所至愛利卒年三十三贈司徒

牛元翼趙州人材果而謀王承宗時倚其計為彊雄與傅良弼二人冠諸將王廷湊叛穆宗以元翼在成德名出廷湊遠甚自深州刺史擢為深冀節度使以攜其軍廷湊怒遣部將王位以銳兵攻元翼不勝乃合朱克融共圍之詔進元翼成德軍節度使以宣武兵五百進援元翼固守長慶二年詔赦廷湊罪徙元翼山南東道以

深州賜廷湊使中人促元翼南廷湊恨之已受詔兵不  
解招討使裴度貽書謂讓克融解而歸廷湊退舍詔並  
加檢校工部尚書兩悅之淹月元翼率十餘騎冒圍出  
朝京師廷湊入盡殺元翼親將臧平等百八十人元翼  
見延英賚問優渥命中人楊再昌取其家廷湊辭以須  
秋遣元翼聞平等死憤恚卒悉還所賜于朝廷湊遂夷  
其家

良弼字安道清河人以射冠軍中初瀛之博野樂壽介

范陽成德間每兵交先薄二城故常為劇屯德宗以王  
武俊破朱滔功皆隸成德故以良弼守樂壽李寰守博  
野廷湊之叛兩賊交誘之而堅壁為國固守有詔以樂  
壽為左神策行營拜良弼為都知兵馬使寰所領士隸  
右神策號忻州營亦以寰為都知兵馬使賜第京師俄  
以良弼為沂州刺史良弼率衆出戰力乃得去寰引兵  
三千趨忻州廷湊邀之寰斬三百級追者不敢前天子  
以良弼寰忠有狀乃更賜奴婢服馬召良弼為左神策

軍將軍竇厯初擢夏綏銀節度使異時蕃帳亡命來者必償馬乃與良弼至皆執付其部酋種歡懷終橫海節度使竇累擢保義軍節度使後授夏綏宥節度使卒

史孝章字得仁資修謹退讓如諸生魏博節度使李愬奇之檄試都督府參軍父憲誠得魏遷士曾參軍孝章見父數奸命內非之嘗雪涕陳逆順朝廷間而嘉之授孝章節度副使累遷檢校左散騎常侍進檢校工部尚書尋入朝勞予蕃厚憲誠亦上書求覲帝知非憲誠意

特緣孝章悟發故分相衛瀘而授孝章節度使未至魏人亂父死于軍帝念史氏禍而卹孝章故奪喪拜右金吾衛將軍徙節度鄜坊進檢校戶部尚書久之自邠寧以病丐還卒于行年三十九贈尚書右僕射孝章本名唐後改今名

憲誠弟憲忠字元貞少為魏牙門將田弘正討齊蔡常為先鋒閱三十戰中流矢酣鬪不解由是著名憲誠表為貝州刺史魏亂奔京師累加檢校右散騎常侍隴州

刺史增亭郭徙客館於外戎謀無所伺會昌中築三原城吐蕃因之數犯邊拜憲忠涇原節度使吐蕃遣使來請隳城且願以嘗殺使者之人置塞上憲忠知其黠遣使謝之吐蕃情得而服會党項羌內寇又徙朔方有詔馳驛赴屯憲忠請徐行許之乃移書與羌人示要約羌人乃皆喜奉酒湏迎道憲忠廉儉少所欲故所至莫不懷德累封北海縣子檢校尚書左僕射兼金吾大將軍以病自丐改左龍武統軍卒年七十一贈司空



欽定續通志卷二百四十七

欽定四庫全書

欽定續通志卷二百四十八

列傳

唐四十八

劉晏遷潼

第五琦

班宏

王紹

李巽

劉晏字士安曹州南華人玄宗封泰山晏八歲

按舊書作七歲

晏賜死時新書年六十五舊書年六十六考明皇封泰山在開元十三年乙丑晏死在建中元年庚申若從新

欽定四庫全書

欽定續通志

卷二百四十八

書作八歲則晏年當六十三從舊書七歲則六十二兩書本傳前後俱不相符今仍新書原文獻頌行

在帝奇其幼命張說試之說曰國瑞也即授太子正字  
天寶中累調夏令未嘗督賦而輸無逋期舉賢良方正  
補溫令所至有惠利民皆刻石以紀再遷侍御史祿山  
亂避地襄陽永王璘署晏右職固辭詔拜度支郎中兼  
侍御史領江淮租庸事晏至吳郡而璘反乃與採訪使  
李希言謀拒之希言假晏守餘杭發兵堅壁會王敗欲  
轉畧州縣聞晏有備遂自晉陵西走以功拜彭原太守

徙隴華二州刺史遷河南尹時史朝義盜東都乃治長  
水進戶部侍郎兼御史中丞度支鑄錢鹽鐵等使尋兼  
京兆尹司農卿嚴莊下獄晏遣吏防守其家已而釋誣  
劾晏漏禁中語宰相蕭華亦忌之貶通州刺史代宗立  
復為京兆尹戶部侍郎領度支鹽鐵轉運鑄錢租庸使  
晏以戶部讓顏真卿改國子祭酒又以京兆讓嚴武即  
拜吏部尚書同中書門下平章事使如故坐與程元振  
善罷為太子賓客俄兼御史大夫領東都河南江淮轉

運租庸鹽鐵常平使時大兵後京師米斗千錢禁膳不  
兼時旬農按穗以輸晏乃自按行浮淮泗達於汴入於  
河右循底柱硤石觀三門遺跡至河陰鞏洛見宇文愷  
梁公堰廝河為通濟渠視李傑新堤盡得其勢然畏為  
人牽制乃遺書宰相元載言利害載方內擅朝權既得  
書即盡以漕事委晏故得盡其才凡歲致四十萬斛自  
是關中雖水旱物不翔貴

按通鑑晏以江汴河渭水力不同各隨便宜造運船教漕

卒緣

水置倉轉相受給自是每歲運穀至百餘萬斛無升斗沉覆者

再遷吏部尚書又兼

益湖南荆南山南東道轉運常平鑄錢使與第五琦分  
領天下金穀又知吏部三銓事常袞執政忌晏有公望  
乃言晏舊德當師長百僚用為左僕射實欲奪其權帝  
以計務方治詔以僕射領使如舊初晏分置諸道租庸  
使慎簡臺閣士專之時經費不充傳天下攝官獨租庸  
得補署且數百人皆新進銳敏趣督倚辦雖權貴干請  
欲假職任者晏厚以稟入奉之未嘗使親事是以人人  
勸職第五琦始權鹽佐軍興晏代之法益密利無遺入

初歲收緡錢六十萬末乃什之計歲入千二百萬而權  
居大半民不告勤京師鹽暴貴詔取三萬斛以贍關中  
自揚州四旬至都人以為神至湖嶠荒險處所出貨皆  
賤弱不償所轉晏恚儲淮楚間貿銅易薪歲鑄緡錢十  
餘萬其措置纖悉如此每朝謁馬上以鞭算臂明視事  
至夜分止雖休澣不廢事無閑劇即日剖決無留所居  
修行里粗糲庠陋飲食儉狹室無媵婢然任職久勢輒  
宰相要官華使多出其門故議者頗言晏任數固恩德

宗立言者屢請罷轉運使晏亦固辭不許又加闕內河東三川轉運鹽鐵及諸道青苗使始楊炎為吏部侍郎晏為尚書不相下元載得罪詔晏鞠治而炎坐貶及炎執政銜宿怒先是帝居東宮代宗寵獨孤妃而愛其子韓王官人劉清潭與嬖幸請立妃為后且言王符異以搖東宮時妄言晏與謀至是炎見帝流涕曰賴祖宗神靈先帝與陛下不為賊臣所間不然劉晏黎幹搖動社稷凶謀果矣今幹伏辜而晏在臣位宰相不能正其罪



法當死崔祐甫崔寧力相解釋寧尤切至炎怒斥寧於外遂罷晏使坐新故所交簿牘抗謬貶忠州刺史炎必傳其罪知庾準與晏素憾乃擢為荆南節度使準即奏晏與朱泚書語言怨望又蒐卒擅取官物脅詔使謀作亂炎證成之建中元年七月詔賜晏死年六十五後十九日賜死詔書乃下且暴其罪家屬徙嶺表坐累者數十人天下以為冤興元初帝寢寤乃許歸葬貞元五年遂擢晏子執經為太常博士宗經祕書郎執經還官求

追命有詔贈鄭州刺史又加司徒晏歿二十年而韓洄  
元琇裴腆李衡包佶盧徵李若初繼掌財利皆晏所辟  
用晏既被誣而舊吏推明其功著論以為管蕭之亞云  
琇後以尚書右丞判度支國無橫歛而軍旅濟為韓泚  
所惡貶雷州司戶參軍

詳見韓  
泚傳

腆以兵部侍郎判度支

封聞喜縣公衡歷戶部侍郎佶潤州延陵人父融以詩  
名佶累官諫議大夫坐善元載貶領南晏奏起為汴東  
兩稅使晏罷以佶充諸道鹽鐵輕貨錢物使終秘書監

丹陽郡公徵累官戶部侍郎歷同華二州刺史若初累  
官浙西觀察諸道鹽鐵使時天下錢少貨輕州縣禁錢  
不出境商賈不通若初始奏縱錢以起萬貨詔可卒贈  
禮部尚書

晏兄暹為汾州刺史天資疾惡所至以方直為觀察使  
所畏建中末召為御史大夫宰相盧杞憚其嚴更薦前  
河南尹于頔代之暹終潮州刺史

暹孫潼字子固擢進士第杜棕判度支表為巡官累遷

祠部郎中大中初討党項羌軍食乏宰相欲以潼為使  
難其遣潼請行遂命為供軍使會復河湟調師屯守以  
潼判度支河湟供軍案歷京兆少尹山南有劇賊依山  
為剽宣宗怒欲討之宰相崔鉉曰此陛下赤子迫於饑  
寒弄兵山谷間不足討請遣使喻釋之詔潼馳往潼挺  
身直叩其壘曰有詔赦爾罪盜皆列拜約潼就館而降  
會山南節度使封敖遣兵擊賊潼罷歸數陳邊事擢右  
諫議大夫出為朔方靈武節度使坐累貶鄭州刺史改

湖南觀察使召為左散騎常侍拜昭義節度使徙河東  
又徙西川時李福討南詔兵不利潼至填以恩信蠻皆  
如約六姓蠻持兩端為南詔間候潼出兵襲擊俘五千

人南詔大懼自是不敢犯邊

吳縝糾謬云按南詔傳潼為西川節度使之時即懿

宗咸通七年八年之間也當是時南詔方強南寇安南  
西擾成都至咸通十年又自沔源入寇嘉州由此言之  
則南詔何嘗不敢犯邊乎若云南詔少戢不敢輕寇邊庶幾近之

以功加檢校尚書右

僕射卒贈司空

第五琦字禹珪京兆長安人少以吏幹事韋堅堅敗不

得調久之為須江丞太守賀蘭進明才之安祿山反進明徙北海奏琦為錄事參軍事時賊已陷河間信都進明未戰玄宗怒遣使封刀趣之曰不亟進即斬首進明懼不知所出琦勸厚以財募勇士出賊不意如其計復收所陷郡肅宗駐彭原進明遣琦奏事既謁見即陳今之急在兵兵強弱在賦賦所出以江淮為淵若假臣一職請悉東南寶貨飛餉函洛帝悅拜監察御史句當江淮租庸使遷司虞員外郎河南等五道支度使遷司金

郎中兼侍御史諸道鹽鐵鑄錢使鹽鐵名使自琦始進  
度支郎中兼御史中丞當軍興隨事趣辦不益賦而用  
以饒於是遷戶部侍郎判度支河南等道支度轉運租  
庸鹽鐵鑄錢司農太府出入山南東西江西淮南館驛  
等使乾元二年進同中書門下平章事初琦請鑄乾元  
重寶錢以一代十既當國又鑄重規一代五十會物價  
騰踊餓饉相望議者以為非詔貶忠州長史會有告琦  
納金者遣御史馳按琦辭曰位宰相可自持金邪若付

受有狀請歸罪有司御史不曉以為具服獄上之遂長  
流夷州寶應初起為朗州刺史有異政拜太子賓客吐  
蕃盜京師郭子儀表為糧料使兼御史大夫關內元帥  
副使改京兆尹俄加判度支鑄錢鹽鐵轉運常平等使  
累封扶風郡公復以戶部侍郎兼京兆尹坐與魚朝恩  
善貶括州刺史徙饒湖二州復為太子賓客東都留守  
德宗素聞其才將復用召之會卒年七十一  
按舊書 贈  
太子少保子峯婦鄭皆以孝表門



班宏衛州汲人父景倩國子祭酒

按舊書父景倩秘書監

以儒名

家宏天寶中擢進士第調右司禦曹曹參軍高適鎮劍

南表為觀察判官青城人以左道惑衆謀作亂事覺誣

引屯將規緩死衆尤懼宏驗治即殺之人心大安大歷

中擢起居舍人四遷給事中累進吏部侍郎貞元初仍

早蝗賦調益急以戶部侍郎副度支使韓滉俄而竇叅

當國代滉使而參任大理司直時宏已為刑部侍郎德

宗以宏熟天下計故進宏尚書副參參久不歸使於宏

乃與參有隙帝後遇參薄參知之欲歸使然不欲宏專  
遂薦張滂為戶部侍郎鹽鐵轉運使而以宏判度支分  
滂關內河東劍南山南西道鹽鐵轉運隸宏以悅其意  
又還江淮兩稅置巡院官令宏滂共差擇滂請鹽鐵舊  
簿書於宏宏不與及署院官更持可否官乏不補滂奏  
言臣職不修無逃死如國家大計何由是有詔分掌宏  
見宰相辭曰宏主漕歲得江淮米五十萬斛前年至七  
十萬今職移於人敢請罪滂在側僂曰公所言非也朝

廷不奪公職乃公喪官緡縱奸吏自取咎爾凡為度支  
胥吏不一歲家輒鉅億僮馬產第侈王公非盜縣官財  
何以然上既知之故令滂分掌今公無乃歸怨上乎宏  
不答於是移病歸第宰相白其狀詔許如劉晏韓滉故  
事以東都河南淮南江南山南東道兩稅滂主之東渭  
橋以東巡院隸焉關內河東劍南山南西道宏主之宏  
清潔勤力晨入官署夕而出吏不堪其勞而已益恭參  
得罪宏為有力卒年七十三贈尚書右僕射謚曰敬後

二年滂亦罷為衛尉卿

王紹本名純避憲宗諱改焉自太原徙京兆之萬年父  
端第進士有名終工部員外郎紹少為顏真卿所器字  
之曰德素奏為武康尉包佶領租庸鹽鐵使署判官時  
李希烈阻兵江淮輸物留梗乃徙餉道自潁入汴紹入  
闕德宗已西狩乃督輕貨趣間道走洋州紹先見行在  
帝勞之曰吾軍乏春服朕且衣裘奈何紹流涕曰佶遣  
臣貢奉無慮五十萬當即至後五日繼至由是紓難遷

倉部員外郎是時兵旱無年詔戶部收闕官俸稅茶及無名錢以修荒政紹由員外郎判務遷戶部兵部郎中皆專領進戶部侍郎判度支頃之遷尚書主計凡八年順宗立王叔文奪其權拜兵部尚書出為東都留守元和初檢校尚書右僕射為武寧軍節度使復以濠泗二州隸其軍裨將安進達唐重靖謀亂紹以計取之出家貲賞士舉軍安賴復拜兵部尚書判戶部卒年七十二贈右僕射諡曰敬

李巽字令叔趙州贊皇人以明經補華州參軍事舉拔  
萃授鄆尉進累左司郎中常州刺史召拜給事中出為  
湖南觀察使貞元五年徙江西巽銳於為治持法察吏  
不敢少給順宗立擢兵部侍郎杜佑表為鹽鐵轉運副  
使俄代佑使任自劉晏後職廢不振賦入朘耗巽莅職  
一年較所入如晏最多之年明年過之又明年增百八  
十萬緡再遷吏部尚書程异坐王叔文廢巽特薦之异  
計較精於巽故巽能善職蓋有助云元和四年疾革郎

官省候巽言不及病但與商較程課功利是夕卒年六

十三

按舊書年  
七十一

贈尚書右僕射巽為人忌刻校怨實參

為相出巽常州及參貶彬州巽時觀察湖南宣武節度  
使劉士寧致絹數千匹於參巽即劾參交通藩鎮遂殺  
參

欽定續通志卷二百四十八

欽定四庫全書

欽定續通志卷二百四十九

列傳

唐四十九

李揆

王璵

常袞

趙憬

崔造

齊映

盧邁

關播

董晉

陸長源  
劉全諒

袁滋

趙宗儒

竇易直



李揆字端卿祖玄道為文學館學士自有傳

吳縝糾繆云按宰相

世系表玄道生正基正基生竄竄生成裕成裕生揆玄道於揆為高祖與傳不同未知孰是

父成裕

祕書監揆性警敏善文章開元末擢進士第補陳留尉

獻書闕下試中書遷右拾遺再轉起居郎知宗子表疏

以考功郎中知制誥扈狩劍南拜中書舍人乾元二年

宗室請上張皇后號曰聖肅宗問揆揆引韋后諫止

之后有子數歲欲立為太子而帝意未決時代宗已封

成王帝從容語揆曰成王長有功將定太子卿意謂何

揆曰陛下此言社稷福也因再拜賀帝曰朕計決矣俄  
兼禮部侍郎知貢舉陳書廷中令諸儒盡所欲言由是  
人人稱美未卒事拜中書侍郎同中書門下平章事修  
國史封姑臧縣伯揆美風儀善奏對帝歎曰卿門地人  
物文學皆當世第一信朝廷羽儀乎時京師多盜至騷  
衝殺人尸溝中吏褫氣李輔國方橫請選羽林騎五百  
備徼捕揆以為不可輔國議格揆決事明當然銳於進  
且近名兄楷有時稱滯冗官不得遷呂諲政事出揆遠

甚以故相鎮荆南治聲尤高揆懼復用遣吏至諷所構  
抉過失諷密訴諸朝帝怒貶揆袁州長史不三日以楷  
為司門員外郎揆累年乃徙歙州刺史初苗晉卿數薦  
元載揆輕載地寒謂晉卿曰龍章鳳姿士不見用麀頭  
鼠目子乃求官邪載聞銜之及秉政奏揆試祕書監江  
淮養疾載誅始拜睦州刺史入為國子祭酒禮部尚書

德宗幸奉天

按新舊兩書皆云德宗幸山南廣祀以揆  
入舊會盟考德宗建中二年十月幸奉天

十二月貶杞為新州司馬興元元年二月始幸梁州地  
理志梁州為山南西道治所奉天乃雍州屬縣不隸山

南唐人於朱泚逆難例云播遷山南蓋從其後而統言之若杞之使揆則在奉天時紀事之文不得渾同也舍改揆素為盧杞所惡用為入蕃會盟使拜尚書左僕射揆辭老恐死道路不能達命帝惻然杞曰和戎者當練朝廷事非揆不可異時年少揆者不敢辭揆至蕃酋長曰聞唐有第一人李揆公是否揆畏留因紿之曰彼李揆安肯來邪還卒鳳州年七十四贈司空謚曰恭

王璵方慶六世孫少為禮家學玄宗在位久推崇老子道好神仙事廣修祠祭靡神不祈璵上言請築壇東郊

祀青帝天子入其言擢太常博士侍御史為祠祭使璵專以祠解中帝意有所禳祓大抵類巫覡漢以來葬喪皆有瘞錢後世里俗稍以紙寓錢為鬼事至是璵乃用之肅宗立累遷太常卿又以祠禱見寵乾元三年拜蒲同絳等州節度使俄以中書侍郎同中書門下平章事時大兵後天下願治璵望輕無它才不為士議諧可既驟得政中外悵駭乃奏置太一壇勸帝身見九宮祠帝由是專意它議不能奪帝嘗不豫太卜建言崇在山川

璵遣女巫乘傳分禱天下名山大川巫皆盛服中人護  
領所至于託州縣賂遺狼藉時有一巫美而蠱以惡少  
年數十自隨尤愴狡不法馳入黃州刺史左震晨至館  
請事門鐻不啟震怒破鐻入取巫斬廷下悉誅所從少年  
籍其贓得十餘萬因遣還中人既以聞璵不能詰帝亦  
不加罪明年罷璵為刑部尚書又出為淮南節度使猶  
兼祠祭使徙浙東召入再遷太子少師卒贈開府儀同  
三司謚簡懷曾孫搏別有傳

常袞京兆人天寶末及進士第性狷潔不妄交游由太子正字累為中書舍人文采瞻蔚長於應用譽重一時魚朝恩兼判國子監袞奏成均當用名儒不宜以官臣領職時朝廷多事西北邊虜連為寇盜袞累上章陳利害代宗甚顧遇之加集賢學士大厯元年遷禮部侍郎仍為學士元載之得罪令袞與劉晏李涵等鞠之獄竟拜門下侍郎同中書門下平章事弘文崇文館大學士與楊綰同執政綰長厚通可而袞苛細以清儉自賢帝

內重綰而顯任之禮遇信愛袞弗及也綰卒袞始當國  
故事日出內廚食賜宰相家可十人具袞奏罷之又將  
讓堂封它宰相不從乃止議者以為厚祿重賜所以優  
賢崇國政也不能當辭位不宜辭祿

謹按通鑑輯覽

御批時人譏袞云云蓋出於佐饗者之口然袞猶稍知節操  
較之持祿固位者流猶為彼善於此若但徇大烹養賢之  
文而不知制祿代耕之義豈伊臯作相必當日食  
萬錢耶司馬光廉恥存焉之論庶乎不失平允

政事堂

北門異時宰相過舍人院咨逮政事至袞乃塞之以示  
尊大懲元載敗室賣官之路然一切以公議格之非文



詞者皆擯不用故世謂之黜伯以其黜黜無賢不肖之  
辨云袞為相散官纔朝議而無封爵郭子儀言於帝遂  
加銀青光祿大夫封河內郡公德宗即位袞奏貶崔祐  
甫為河南少尹帝怒使與祐甫換秩再貶潮州刺史建  
中初楊炎輔政起福建觀察使始閩人未知學袞為設  
鄉校使作文章親加教導與客主鈞禮觀游燕饗與焉  
由是俗一變歲貢士與內州等卒於官年五十五贈尚  
書左僕射閩人祀袞於學

趙憬字退翁渭州隴西人志行峻潔不自銜寶應中方營泰建二陵用度廣又吐蕃盜邊天下薦饑憬褐衣上疏請殺禮從儉試江夏尉佐諸使府進太子舍人母喪免有芝生壤樹建中初擢水部員外郎湖南觀察使李承表憬自副承卒遂代之居二載召還闔門不與人交李泌薦之對殿中占奏明辨德宗悅拜給事中貞元中咸安公主降回紇詔關播為使而憬以御史中丞副之異時使者多私齎繒絮市馬規利獨憬不然使未還尚

書左丞缺帝曰趙憬堪此遂以命之竇參當國欲抑為  
刺史帝不許參罷進中書侍郎同中書門下平章事與  
陸贄同輔政贄於裁決少所讓又徙憬門下侍郎繇是  
不平自以不任職數稱疾時杜黃裳遭奄人讒詆穆贄  
韋武李宣盧雲等為裴延齡構擯勢危甚憬申解皆得  
免初贄約共執退延齡既對贄極言其姦帝色變憬不  
為助遂罷贄乃始當國憬精治道常以國本在選賢節  
用薄賦斂寬刑罰懇懇為天子言之又陳前世損益當

時之變獻審官六議帝皆然之下詔褒答輔政五年卒  
年六十一贈太子太傅諡曰貞憲

崔造字玄宰深州安平人與韓會盧東美張正則三人  
友善好言當世事皆自謂王佐才故號四夔浙西觀察  
使李栖筠辟為判官累遷左司員外郎與劉晏善晏得  
罪貶信州長史徙建州刺史朱泚亂造輒馳檄比州發  
所部兵二千以待命德宗嘉之京師平召還至藍田自  
以舅源休與賊同逆上疏請罪帝以為有禮下詔慰勉

擢給事中貞元二年以給事中同中書門下平章事帝  
謂造敢言為能立事故不次用之造久在江左疾錢穀  
諸使罔上或乾沒自私乃建言天下兩稅請委本道觀  
察使刺史選官部送京師諸道水陸轉運使度支巡院  
江淮轉運使請悉停以度支鹽鐵務還尚書省六曹皆  
宰相分領於是齊映判兵部李勉刑部劉滋吏禮二部  
造戶工二部又以戶部侍郎元琇判諸道鹽鐵榷酒事  
吉中孚度支諸道兩稅事而浙江東西歲入米七十五

萬石方歲饑更以兩稅準米百萬豪壽洪潭二十萬責韓滉杜亞漕送東渭橋諸道有鹽鐵處仍置巡院歲盡宰相計最殿以聞造厚元琇故首命之時滉方領轉運有寵於帝朝廷仰其須持不可帝重違之復以滉為江淮轉運使餘如造請是秋江淮米大集帝美滉功以滉專領度支諸道鹽鐵轉運等使造懼始託疾辭位罷為太子右庶子貶琇雷州司戶參軍於是造所請悉罷以憂愧卒年五十一

齊映瀛州高陽人舉進士博學宏詞補河南府參軍事  
滑毫節度使令孤彰署掌書記彰疾甚引映託後事映  
因說彰納節歸諸子京師彰從之即以女妻映彰卒軍  
亂映間歸東都三城使馬燧辟為判官盧杞薦授刑部  
員外郎又為鳳翔張鑑判官映練軍事論奏數稱旨進  
行軍司馬德宗出奉天鑑儒緩不知兵部將李楚琳欲  
為亂映與齊抗請先事誅之鑑不用楚琳殺鑑軍中多為  
映指道故得免奔奉天授御史中丞從幸梁道險澀常

為帝御會馬駭突帝恐傷映詔捨轡固不去帝嘉嘆擢  
給事中進中書舍人貞元二年以舍人同中書門下平  
章事俄改中書侍郎封河間縣男與崔造劉滋並輔政  
滋端重寡言映謙不肩事否可一顯於造會造疾映乃  
當國吐蕃數入寇關輔震騷咸言帝欲避狄映入諫俯  
伏流涕天子為感寤映微時張延賞遇之善及相而延  
賞為左僕射數為映畫事又為所親求官映不答延賞  
恚既復用即劾映非宰相器明年貶夔州刺史徙衡州



久之為桂管江西兩觀察使卒年四十八贈禮部尚書

諡曰忠

盧邁字子玄河南人

按舊書作范陽人從其望也

性孝友舉明

經入第補太子正字以拔萃調河南主簿集賢校理公

卿交薦之擢右補闕三遷吏部員外郎出為滁州刺史

召還再遷諫議大夫數條當世病利進給事中改尚書

右丞將作監元亘攝祠以私忌不聽誓御史劾之帝疑

其罰下尚書省議邁曰按大夫士將祭於公既視濯而

父母死猶奉祭禮散齋有大功喪致祭有期喪齋有疾  
病聽還舍不奉祭無忌日不受誓者雖令忌日與告且  
春秋不以家事辭王事今攝祭特命也亘以常令拒特  
命執非所宜遂抵罪以本官同中書門下平章事進中  
書侍郎時陸贄趙憬專大政邁居中治身循法無它過  
久之暴眩省中輿還第詔大臣即問固乞骸骨罷為太  
子賓客卒年六十贈太子太傅

關播字務元衛州汲人及進士第鄧景山節度青齊淮

南再署幕府遷右補闕與神策軍使王駕鶴姻家元載惡之出為河南兵曹參軍事數試屬縣政異等陳少游鎮浙東淮南表為判官攝滁州刺史李靈耀叛少游屯淮上所在盜賊蝟奮播儲貲力給軍楊綰常袞皆善播引為都官員外郎德宗初湖南峒賊王國良驚剽州縣詔播宣輯及還再遷給事中故事諸司甲庫以令史直曹利脫為姦播悉易以士人時黷其法歷吏部侍郎帝求宰相盧杞以播韋柔可制因從容言播材任宰相乃

拜中書侍郎同中書門下平章事政一決於杞嘗論事  
帝前播意不可避坐欲有所言杞目禁輒止時李元平  
陶公達張璠劉承誠率輕薄子游播門下能侈言誕計  
以功名自喜播謂皆將相材數請帝用之李希烈叛帝  
以汝州據賊衝刺史疲軟不勝任播盛稱元平帝召見  
拜左補闕不數月檢校吏部郎中兼汝州別駕知州事  
元平始至募工築郛浚隍希烈陰使亡命應募凡內數  
百人元平不寤賊遣將李克誠以精騎薄城募者內應

縛元平馳見希烈遺矢於地希烈嫚罵曰盲宰相使爾  
當我何待我淺邪偽署御史中丞播聞說曰元平事濟  
矣謂必覆賊建功也左右笑之無何偽署宰相公達等  
以元平屈賊皆廢不用播從幸奉天廬杞白志貞已貶  
而播猶執政議者不平遂罷為刑部尚書貞元初檢校  
尚書右僕射持節送咸安公主降回鶻還遷兵部尚書  
以太子少師致仕斥賣車騎閭門不嬰外事卒年七十  
九贈太子太保

董晉字混成河中虞鄉人擢明經肅宗幸彭原上書行  
在拜秘書省校書郎待制翰林出從淮南崔圓府為判  
官還朝累遷祠部郎中大厯中李涵持節送崇徽公主  
於回紇署晉判官回紇使問歲市馬而唐歸我賄不足  
何也涵懼未及對數目晉晉曰爾之馬歲五至而邊有  
司數皮償貲天子不忘爾勞敕吏無得問反用是望我  
邪使還遷秘書少監德宗立授太府卿不旬日為左散  
騎常侍兼御史中丞知臺事出為華州刺史朱泚反遣

兵攻之晉棄華走行在改國子祭酒帝還京師遷左金  
吾衛大將軍改尚書左丞是時右丞元琇為韓滉排擠  
得罪滉勢振朝廷晉見宰相誦元琇非罪士大夫壯其  
節貞元五年以門下侍郎同中書門下平章事方竇參  
得君裁可大事不關咨晉晉循謹無所駁異參欲以其  
姪申為吏部侍郎諷晉以聞帝怒曰無乃參迫卿為之  
邪晉謝具道所以然帝即問參過失晉無敢隱由是參  
罷宰相晉惶恐上疏固辭位九年罷為禮部尚書以兵

部尚書為東都留守會宣武李萬榮病且死詔晉檢校  
尚書左僕射同中書門下平章事為宣武節度副大使  
知節度事萬榮死鄧惟恭總其軍謀代之晉受命惟幕  
府騶儼從即日上道至鄭逆者不至人勸止以觀便宜  
晉不聽及郊惟恭始出迎謁既入即委以軍政無所更  
衆服晉有體汴士素驕怙亂嘗介勇士伏幕下早暮番  
休晉一罷之惟恭乃結大將相里重晏等謀亂晉覺之  
殺其黨械送惟恭京師帝錄其繫李廼勞貸死流汀州



帝恕晉儒懷詔拜汝州刺史陸長源為司馬以佐晉  
謙愿儉簡事多循仍故軍粗安在軍凡五年卒年七十  
六贈太傅謚曰恭惠子溪字惟深亦擢明經三遷萬年  
令討王承宗也擢度支郎中為東道行營糧料使坐盜  
軍貲流封州至長沙賜死子居中善詩為張籍所稱

陸長源者吳人字泳

按舊書陸長源字泳之

太子詹事餘慶孫也

贍於學始辟昭義薛嵩幕府歷建信二州刺史韓滉兼  
領江淮轉運使辟署兼御史中丞以為副入遷都官郎

中復出汝州刺史遂徙宣武政皆出司馬初欲峻法繩  
驕兵為晉所持不克行而判官楊凝孟叔度等又苛細  
晉卒長源總留後事大言曰將士久慢吾且以法治之  
衆始懼軍中請出帑帛為晉制服不許固請止給其直  
叔度又償直以鹽高鹽直賤帛估人得鹽二斤舉軍大  
怒或勸長源曰故事有大變則厚賜于軍軍乃安長源  
曰異時河北賊以錢買戍卒取旌節吾不為衆怒益甚  
纔八日軍亂殺長源及叔度等死之日有詔拜節度使

遠近嗟悵贈尚書左僕射長源好諧易而清白自將去汝州送車二乘長源死監軍俱文珍密召宋州刺史劉全諒使總後務全諒至其夜軍復亂殺大將及部曲五百人乃定帝即詔全諒檢校工部尚書宣武節度使

全諒始名逸淮至是賜名

按舊書劉全諒本名逸淮

本懷州武陟人

也父客奴以戌籍幽州事平虜軍以材力顯數戰有功拜左驍衛將軍遊奕使安祿山反詔以平盧節度副使呂知誨為使知誨降賊害安東副都護馬靈謩客奴與

諸將共殺知誨與安東將王玄志相聞以客奴為柳城  
郡太守攝御史大夫平盧節度使賜名正臣以玄志為  
安東副大都護正臣襲范陽為史思明所敗奔還玄志  
酖殺之全諒事劉玄佐為牙將以勇果善騎射為玄佐  
厚禮累兼御史中丞及玄佐子士寧代立疑宋州刺史  
翟良佐不附已揚言行部至則以全諒代之故汴將士  
多歸心焉視事凡八月卒贈尚書右僕射軍中立韓弘  
代節度云

袁滋

按舊書入良吏傳

字德深蔡州朗山人陳侍中憲之後彊

學博記建中初黜陟使趙贊薦于朝起處士授試校書郎進詹事府司直部官以盜金下獄滋直其冤御史中丞韋貞伯聞之表為侍御史刑部大理覈罪人失其平憚滋守法因權勢以請滋終不署奏遷工部員外郎韋臯始招來西南夷南詔異牟尋內屬德宗選郎吏可撫循者皆憚行至滋不辭帝嘉之擢祠部郎中兼御史中丞賜金紫持節往踰年還進諫議大夫遷尚書右丞知

易直悉斬之入為戶部侍郎判度支長慶四年同中書  
門下平章事轉門下侍郎封晉陽郡公即讓度支置其  
俸三月有詔停判文宗立檢校尚書右僕射同平章事  
為山南東道節度使入為左僕射判太常卿事頃之檢  
校司空為鳳翔節度以疾還京師卒贈司徒謚曰恭惠  
子紉仕至渭南尉集賢校理妻父王涯被禍宦官知易  
直子得不死貶循州司戶參軍

欽定續通志卷二百四十九